

Koita Ga: Bible for Matthew

Formatted for Translators

©2022 Wycliffe Associates

Released under a Creative Commons Attribution-ShareAlike 4.0 International License.

Bible Text: The English Unlocked Literal Bible (ULB)

©2017 Wycliffe Associates

Available at <https://bibleineverylanguage.org/translations>

The English Unlocked Literal Bible is based on the unfoldingWord® Literal Text, CC BY-SA 4.0. The original work of the unfoldingWord® Literal Text is available at <https://unfoldingword.bible/ult/>.

The ULB is licensed under the Creative Commons Attribution-ShareAlike 4.0 International License.

Notes: English ULB Translation Notes

©2017 Wycliffe Associates

Available at <https://bibleineverylanguage.org/translations>

The English ULB Translation Notes is based on the unfoldingWord translationNotes, under CC BY-SA 4.0. The original unfoldingWord work is available at <https://unfoldingword.bible/utn>.

The ULB Notes is licensed under the Creative Commons Attribution-ShareAlike 4.0 International License.

To view a copy of the CC BY-SA 4.0 license visit <http://creativecommons.org/licenses/by-sa/4.0/>

Below is a human-readable summary of (and not a substitute for) the license.

You are free to:

Share — copy and redistribute the material in any medium or format. Adapt — remix, transform, and build upon the material for any purpose, even commercially.

The licensor cannot revoke these freedoms as long as you follow the license terms.

Under the following conditions:

Attribution — You must attribute the work as follows: "Original work available at <https://BibleInEveryLanguage.org>."

Attribution statements in derivative works should not in any way suggest that we endorse you or your use of this work.

ShareAlike — If you remix, transform, or build upon the material, you must distribute your contributions under the same license as the original. No additional restrictions — You may not apply legal terms or technological measures that legally restrict others from doing anything the license permits.

Notices:

You do not have to comply with the license for elements of the material in the public domain or where your use is permitted by an applicable exception or limitation.

No warranties are given. The license may not give you all of the permissions necessary for your intended use. For example, other rights such as publicity, privacy, or moral rights may limit how you use the material.



Matthew

Chapter 1

¹Ora Iesu Keriso ġurwane au tene ramu David renu Abraham iauge au tene raki oroġanu. ²Abraham ra Issac mamera, renu Issac ra Jacob mamera, renu Jacob ra Judah mamera mati au ġoġuħe ruġa yau mamera, ³Judah ra Perez mati Zerah yau mamera, yau neinera Tamah, Perez ra Hezron mamera, renu Hezron ra Ram mamera, ⁴Ram ra Amminadab mamera, renu Amminadab ra Nahshon mamera, renu Nahshon ra Salmon mamera. ⁵Salmon ra Boaz mamera au neinera Rahab, renu Boaz ra Obed mamera, au neinera Ruta, mati Obed ra Jesse mamera. ⁶Jesse ra Davida Rohi koita au mamera. Ora Davida uiege uhura Isaraela ġahava iauki idigei Babulonia otinu, iau tene aukamu onu: Davida ra Solomona mame, au neine na Uriah, ⁷Solomon ra Rehoboam mamera, Rehoboama ra Abijah mamera, renu Abijah ra Asa mamera, ⁸Asa ra Johoshaphat mamera, Jehoshaphat ra Joram mamera, renu Joram ra Iahu vara Uziah vahiera, ⁹Uziah ra Jotham mamera, Jotham ra Ahaz mamera, Ahaz ra Hezekiah mamera. ¹⁰Hezekiah ra Manasseh mamera, renu Manasseh ra Amon mamera, Amon ra Josiah mamera. ¹¹Josiah ra Jechoniah ra vahiera mati au ġoġuħe ruġa, nega ei yauki idigei Babulonia otinu. ¹²Yau ei idigei Babulonia otine itaharahe: Jechoniah ra Shealtiel mamera, renu Shealtiel ra Zerubbabel vahie bera. ¹³Zerubbabel ra Abiud mamera, renu Abiuda ra Eliakim mamera, renu Eliakim ra Azor mamera. ¹⁴Azor ra Zadok mamera, Sadoka ra Achim mamera, renu Achim ra Eliud mamera, ¹⁵Eliud ra Eleazar mamera, Eleazor ra Matthan mamera, Matthan ra Jacob mamera. ¹⁶Jacob ra Joseph mamera, Maria mobore ra, ausenige Iesu raki varavanu, au iħe yauki ronu Keriso. ¹⁷Eige Abraham au tene urimi Davida auge taua ramu utube ħakira ababu ġera; renu Davida tene au urimi ate iau idigei Babulonia oti ġurahane, taua ramu utube ħakira ababu; mati iau idigei Babulonia otine urimi Keriso ġurwane taua tage utube ħakira ababu ġera. ¹⁸Ora Iesu Keriso ġurwane aukamu onu. Au neine, Mary ra yauki ronu auka Iosepa mobo ġahisa. Eduge yauka so ġuragu kobuġa veite, auka Horu Aena hedokeħe auki detu ġoinu auki so ġami be misa. ¹⁹Au mobore Iosepa, tage anana maġe koita vara eige auki ura veite orogo Maria variva ġahisa, edube auka norena kisa. ²⁰Au anana viege uhuraħe, Rohi Bauge aneruve raki iaġo uhura kironu, “Iosepa, Davida moe, a negu sigoime Maria mi ai mabare kiare, ora Horu Aena ausenige ġami o raki oroġima. ²¹Auka ġami be mimi vara, au iħe Iesu ana rosa, makava ramu auka koita iau daureve inuħati maġe ġaħi ġeige vara.” ²²Onaki ġuma ora Dirava ġare peroveta ġaħi rone riaġa ġaħiġa vara, ²³“Eraġiaħe, maeaġo bera detu ġoi ġami be mimi vara, renu yauka ihiva rosa Emmanuela,” makava ramu, “Dirava ra no ruta ġera.” ²⁴Joseph raki ġaġoħi raġi urimi, Dirava aneruve iaġo kirone ġumaħe; Maria mi au mabareni kinu, ²⁵eduge iauka so iau abu iaġia kobuġa veite uhura auki ġami manu; eige Iosepa raki ihiva kinu Iesu.

Chapter 2

¹Iesu ramu Betelehema Iuda eige auki ġuruanu. Heroda Iudea rohiva ġoine uhura, uhuvaka ġaha bea vani ġadiġa kasiva seni Ierusalem ooroġanu, ²berabe raġi, “Ama ġami karuka be ġurwane Iudea ġaha iau roħive na oreigenu? Vava ġe noki koro abaga eraġi, noka maġe ġahisa rome noki oroġanu.” ³Heroda iau Rohite ġava ihinei, au soruke raki ħuhunaġi, renu Ierusalem uiege ġahava dadaġa ġainage uħu ħuħu raġanu. ⁴Ġerege auki dubu bauea mati aena ġahava ia inuħati iħirogei bouge beragei, “Negu iau Keriso roiare na oreigena au ġuruisa vima?” ⁵Iauka roia, “Betelehema Iudea uhura; ora peroveta ġaha rone ġava vara: “Koita iai bouge, Betelehema, Iudea mata uhura, iaka Iudea mata ketake roħi ġahare uhura iau vaġa oġo avie bera, iai vaġotoni roħi koita vana oroġisa, ⁷Eige Heroda raki ġoġoħu deivaia vani ġadiġava oroġane norena iħirogei beragei negu koro ena vaisu ġena au ġaġae ġoinu. ⁸Ġerege auki besugei, roege, “Otiaħe Betelehema negu ġami karuka iama reġunaki iaġoisa, ia behuġege, iama da vasiba ġaħege da tage dama oti maġe ġahisa.” ⁹Iauki oġo roħi e ġare iħare, iauki ġareħare otinu, renu iau ġumaġa otege uhura iauki ġaitana koro vani ġadiġava seni urigatugei eraġanu, auki ġami karuka variada ġe auki daivanu. ¹⁰Iau koro eraġane era daivi iauki ħeġiri raġoħe. ¹¹Iauki iaġa uhura siri raġi, negu ġami karuka au neine Maria ġore eragei; iauki komuko daivi maġe ġaħigei. Renu koba koba ġami karuka eni iaġa maġe idigei oro ġeħene, golo, muraka ġutika maġete, mati idi vadaka aħata roiro iaġava, idigei moimanu. ¹²Renu Dirava raki iaġo boriti ġaħigei iauka beta ġoiraġoħi Heroda ġasina otisa, eige iauki ġuma nune bei ġoiraġoħi iau matameħe otinu. ¹³Siviġoro raġi Aikupito otinu Negu deivaia otine itaharaħe, Rohi Bauge aneruve raki iaġo Iosepa ġasina ġaġae ġoi, kironu. “Urimi ġami karuka au neine ġoreħe idigei siviġoro raġi Aikupito otiaħe. Iama ei ġurahi ate da ia kiro ġeħe, badiva Heroda ra ġami karuka ora auki iaġoima, auka ġami hoekisa roma.” ¹⁴Ġerege Iosepa raki ġaġoħe raġi urimare, ġami karuka mati au neine ġore vahi uhura, idigevare Aikupito otinu, ¹⁵eige iauki ġurahi ate Heroda raki hoġe raġanu. Onaki ora Rohi Bauge ġare riaġa ġaħi peroveta ġaħi ronu, “Aikupito ġe daki di moe iħiromonu.” ¹⁶Eiġera Heroda uhure raki baoraġanu deiva vani ġadiġa seni oroġone iabaki taraġanu. Eige auki hoġoi, ġa maemi ġanito ġaħigei ronu, oti Betelehema mati au oriġi oġova iau, ġami mo iau taue abu mati karukare inuħati iama ġaħigei hoeki ġeisa. ¹⁷Eige otavado ana peroveta koita Ieremia rone ġava raki riaġa ġoinu Eno bera iauki iħinu Rama seni, ¹⁸aukamunivi ġariri vima renu nina ava dahida, Reisel raki au ġamuħe iau ninave vima; auka besibe vima bera vaġahu ġahisa, badiva iakamu hoġe raġanu.” ¹⁹Heroda hoġe raġeħe, Iosepa Aikupito uiege uhura Rohi bauge aneruve raki iaġo au ġasina ġaġae ġoiaħe kironu, ²⁰“Urima, ġami karuka renu au neine ġore idigei ġoiraġi Isaraela matava ote, badiva oġore iana ġami karuka e ġamisa roiare ġahava iabaramu buda raġohanu. ²¹Eige Iosepa raki urimare ġami karuka au neine ġore idigei ġoiraġi Isaraela otinu. ²²Eduge Iosepa raki iħeħe Arkelas raki au mame Heroda vatage mi Iudea roħi ġoinu, eige auki mata ei otito

Chapter 3

sigovanu. Auka iaḡo ge Dirava raki ḡanito ḡahanu, eige iauki urihi Galileia kasi bei otinu.²³ Eige auki iau guragu oḡe kinu ihivara Nasareta. Gerege otavado ana peroveta ḡahaia ro maemanu ramu riaḡa ḡahanu, “Auka Nasareta koita vara.”

Chapter 3

¹Ioane Babatiso nega ei Iudea mata ḡaḡaeva hakivi Dirava hari maḡeve ro ioavege, roege, ²“Iama iai daure ḡumave ḡare geisa, badivara va Basileia ramu hugure.” ³Oramu Isaia peroveta koita gavane au rone, “Koita be raki mata ḡaḡaeva gure to roma: Rohi Bauge ḡumaḡe baoviahe, au ioavare ḡumava ieriri ḡahisa.” ⁴Ioane ogonave ramu kamela homoka ge auki kiego renu vadaka ge auki au negotane bodivi vanu. Au demaka ramu iso iso mati umuko idi. ⁵Gerege koita iabaraki Ierusalemata seni renu Iudea uhura au ḡasina otege, mati Ioridana iaro hakira oḡo ḡahava ia, ⁶eige auki babatiso ḡahigei Ioridana iarova iau daureve rogei keto gevege. ⁷Eduge auki Faresia mati Sadukea ḡahava au ḡasina babatiso oroḡonu, auki kiro gevege, “Inuhu ḡamika ma ḡahanu! Unuhuna roma iaka Dirava hedokehe siviḡoro raḡohisa? ⁸Oti me maḡe be kiogeisa eramu ia maḡuri maḡe mane ḡaḡae kisa. ⁹Ia negu rome iaka ḡuma daure vara ia ḡare gevenu, Noka Aberahamo ramu ni tene; iakera daki ia kirogeima, Dirava vara riaḡahe muni o idigei Aberahamo vahiruhe kiogei gevara ¹⁰ḡuma ra bao bao vera aka idi umukahe dodo geisa; idi inuhati iau madika maḡe kiki veite era iaka dodovare mi vene uhura kiraki vara. ¹¹“Daka eiava ge daki koita babatiso ḡahi gevenu, iau daureve ḡare gevare ḡahavaia. Eduge koita be di itahe oroḡare au hedoke ra raho ketake; eige daka au vaḡotoni maḡe veite renu ḡereḡere veite au vasi iaḡane agohisa. Auka Horu Aena mati hedo ruta gera auna ia babatiso ḡahigeisa. ¹²Auka riaḡahe koita maḡe kasagei daure ḡaha iau, erehuta negu ḡeḡe kiki koita naḡate, au me kiare auriva miare au demaka iaka maḡe kasai daureva iau. Gerege ḡeḡe kiki koita vana maḡeva idigei au demaka reḡui bougevare iaḡahe ḡosiḡei, eduge daureve iabara auka idigei vene raḡare uhura kira geige vara.” ¹³Gerege Iesu raki Galileia seni urimi Ioane ḡasina Ioridana otinu, Ioane so babatiso ḡahisa. ¹⁴Eduge Ioane raki imiḡi, roege, “Akena da babatiso ḡahisa, esemena a di ḡasina oroḡi roma daka a babatiso ḡahisa?” ¹⁵Iesu raki kironu, “Da roiare so negubutu kisa. ḡuma onaki ora noka Dirava roiare inuhati riaḡa ḡahisa.” Gerege Ioane raki itonu. ¹⁶Gerege auka Iesu babatiso ḡahanu, auka eiava seni hakivanu, va uduani iabaraki au baoraḡohi, auki Dirava Horu Aenave eraḡage auki uguhi erehuta uguha naḡate abaga vara au ada. ¹⁷Gerege eno be raki vava seni uguhi onaki ronnu, “Ora di Moera, di soruke, auge di heḡirive ra raho ketakera.”

Chapter 4

¹Gerege Horu Aena raki Iesu nisiḡami mata ḡaḡaeva otinu diaboloto so tohoḡisa. ²Iesu raki vani utu-ababu mati vahi utu-ababu tamuta veite eige auki ḡubu raḡanu. ³Eige diaboloto raki au ḡasita otare kironu. “Ana Dirava Moe ḡoiege, ama muni o ḡanito ḡahigei iau tamuta demaka ḡahi goiraḡohe.” ⁴Eduge Iesu raki ronnu, “Buka Aenava ramu ronnu, koita bera beta demaka eiḡuge auna maḡuri visa, eduge Dirava avaḡehe ga inuhati haki raḡare au gera.” ⁵Gerege diaboloto raki Iesu nisiḡami oti oḡo aena Ierusalemata otime auki dubu ḡurida ramanu, ⁶auki kiroege, “Akamu Dirava Moe ra, aso oi geroi uguha; edube Buka ramu ronnu, Dirava raki au aneruve ḡanito ḡahi gevege iauna a nitabata ḡahisa, renu iauna ai adahe ami iagemisa, eige ai vase na beta muni ḡadimisa.” ⁷Iesu raki kironu, “Buka ramu ḡaitana ronnu, A negu Dirava ai Rohite tohoḡime.” ⁸Gerege diaboloto raki ḡaitana Iesu nisiḡami nimu vava bei ḡadimare, auki vata ketake basileia erara vaḡa maḡe inuhati ḡaḡiromi; ⁹mati diaboloto raki kironu, “Iaḡa o inuhati daka idigei a moimo vara, a komuko daivi guramare renu da maḡe ḡahege.” ¹⁰Eige Iesu raki kironu, “Oheseni geahu ote, Satan! Yaukamu torevanu 'Ai Rohite guge ana riaga ḡahisa, renu augugena ana au meve kisa,” ¹¹Eige Dibolo varaki garemanu, a aneru yabera roḡi yaheganu. ¹²ḡamana veite, Iesu raki ihege aena ḡahe iabeki Ioane mi vadibu iaḡava maemanu, ḡereḡe auki Iudea ḡaremi Galileia otinu. ¹³Auki Nasareta garemare otime auki Kaperanamu guramege, Galileia gohu ḡaika, Sebulono mati Naptali iau matame uhura, ¹⁴eige otavado ana peroveta koita Isaia rone eramu riaḡa ḡoisa: ¹⁵“Sebulono mati Naptali mata ḡahava ia, Galileia gohu ḡaika ḡahava oti Ioridana iarova, ¹⁶koitava iabera vadibu uhura ḡurahegeiauki abaga ketake be eraḡanu, renu oḡore iana mata ei gurahi mati hoḡe uhura uiege Dirava abage ramu idigevenu.” ¹⁷Nega eige Iesu raki au hari maḡe roege, “Iama iai ḡuma daureve ḡare geisa, badiva va basileia vara hugure.” ¹⁸Iesu Galileia gohu ḡaika oḡi otege uhura, eige auki niḡahi Simona, au ihe bera Petero, au ḡoḡe Anderea iau abu era gevege, iauka iau rekeve eve maemi. Iauka eve ḡahe iabera. ¹⁹Iesu raki kiro gevenu, “Di itahe oroḡiahe, dakena koita iagoia ḡumava ia ḡaḡiro geisa.” ²⁰Gerege iauka iau rekeve ḡare gevare urihi au ruta otinu. ²¹Au ei urihimi otege, auki ḡami abu era gevenu, Sebedeo au ḡamuhe abu ruḡa, Iakobo mati au ḡoḡe Ioane, iauka iau mame ruta iauki vanaḡiva iau rekeve reḡu gevege, gerege Iesu raki ihiro gevenu. ²²Iauki vaina iau vanaḡive ḡarehi mati iau mame iauki au itahe otinu. ²³Iesu raki Galileia uhura oti ioavege, iau dubu uhura basileia badi maḡe gava viege, renu oḡore iana dika raḡohi mati dika nune nune koita iau vaḡotoni inuhati auki maḡuri ḡahi gevege. ²⁴Eige auki au badine ro ioa raḡi Siria matava inuhati iau. Gerege iauki koita dika raḡohi, huhu nune nune, sua daure idigei, oḡiḡi veite, ihiko veite, inuhati idigei Iesu ḡasina oroḡege, gerege auki maḡuri ḡahi gevenu. ²⁵Mati koita dadaḡava raki Galileia seni au orei otege au itahe oḡiege, mati Oḡo Utube, Ierusalemata, Iudea mati Ioridana mata hakirahe.

Chapter 5

¹Iesu raki koita dadaḡa era gevare auki nimu ada ḡadimi guramanu; itaharahe au ḡamituhe iabaraki au ḡasina otinu.

²Gerege auki urimi gavi, mati uguro ḡahigei, roege: ³“Goroa ḡahe iaberamu heḡiri raḡisa, badiva va basileia vara iau era.

maka māge kiki vara. 19 Idi be maka māge kiki veite, iauma dodovare vene uhura kira visa. 20 Eige iana au make riagava erageisa.²¹ Beta koita inuhati dai roia, di Rohite, di Rohite, iana va basileia uhura siri raḡisa, eduge oḡoreana di Mame vava uiare meve kiare ḡahava eḡu. ²²Vani eige koita dadaḡava ramu daki roro vara, di Rohite, di Rohite, nona ai ihehe peroveta raḡira veitenu, renu ai ihehe sua daure oia geige veitenu, renu ai ihehe noki me bauge dadaḡa kiogevenu? ²³Gerege dana kiogei rosa, daka a erara veitera; ḡeahu otiahe, ḡuma daure kiare ḡahava maḡahanu. ²⁴“Gerege oḡoreana di gare ihare renu meva kiare ḡahava iabera erehuta uhu anana māge koitava naḡate au iage mi muni ada kisa. ²⁵Veni ḡoromare, eia abata orogi, renu nono ḡugui iaga ei ḡadimi, eduge iaga era beta desuraḡira vara, badiya auka muni ada ge auki ḡonu. ²⁶Renu oḡoreana di gare ihare, edube auka me ḡahiḡa veite auka erehuta atabe ga ihihi veite oti au iage siḡu ada ḡonu. ²⁷Veni ḡoromare, eia abata ḡadimi renu nono ḡugui iaga ei ḡadimi, iaga eramu desuraḡira vara, auka desuraḡi dudu ketake ruta!”²⁸ Iesu ga o rogevene itaharahe, koita iaberaki ḡaḡu raḡohi au uguro viege ḡumahe, ²⁹au uguro viege erehuta auka hedokate ga o riaga ḡahi geisa, renu beta aena ḡahava uguro raḡare naḡate.

Chapter 8

¹Iesu nimu seni uguhi oroḡoge uhura koita dadaḡava raki au ruta otege; ²renu dika koita be raki au ḡasina orogi, au vaḡotoni komuko daivi, roege, “di Rohite, akera daki a imiḡima, ana beta da māge ḡahiḡa vanu.” ³Iesu raki au ade inuḡi kamui, roege, “Riaḡa daka a māge ḡahiḡa vara. Māge ḡoisa!” ḡamana veite au dikave raki ḡaremanu. ⁴Gerege Iesu raki kironu, “A negu koita be kirome; eduge ote, dubu aena ḡaha iau ḡaḡae ḡoisa, renu Mose aena maemane iauma eraḡare riaḡa ḡahisa, era koita iabaramu riaḡa ḡahisa.” ⁵Iesu raki Kaperanamu sirivare, Roma koita bauge be raki au ḡasina oroḡime auki imiḡi roege, “di Rohite, di besubesu koitave ramu dikai iagahu vaḡava veite, huhu raho ketake ruta.” ⁷Iesu raki kironu, “Dakena ai iagehe oroḡime dana au dikave māge ḡahisa.” ⁸Eduge Roma koita bauge eraki kironu, “Di Rohite, daka ai vaḡotoni beta māge koitava ge aki roma aka di iagehe oroḡisa; eduge ana beta gavaḡu roege gerege di besubesu atave ramu māge ḡoiare. ⁹Da tage, bia bauge be iau hedoke derikahe, ḡarara ḡami ḡaitage di derikehe; renu da be kiroiare, Ote, auka otito vara, se da mati be kiroiare, Oroḡo, auka ororo vara, renu da di meve kiare koitava kiroiare, Me o kisa, renu auka kiki vara.” ¹⁰Iesu ga e ihinei, auki au itahe oḡine kiro gevenu, “Riaḡava daki ia kirogei roma, dakamu beta Isaraela uhura onaki ihihi be eraḡanu. ¹¹Dakamu o roma, koita dadaḡa vani ḡadimare renu vani uguhare oroḡisa iauna vava gurahi Aberahamo, Isako renu Iakobo ruḡa tamuta raḡisa, ¹²edube vava gurahare ḡahava iabara itahe iauna vadibua iauna kiragei otisa, eige iauna niḡo raḡohi renu huhu naḡohi iau eḡie ginono ḡahigeisa. ¹³Renu Iesu raki Roma ata bauge kironu, “Ote; enakime ana a imimi vane naḡate ai ihihive dainehe ana oti eraḡisa.” Nega kobuḡa ei Roma ḡarara koita eraki māge ḡoinu. ¹⁵¹⁴ Iesu raki Petero iagehe sirivane, auki au vare maḡiva dikai iaḡiaḡe eraḡa. auki au adehe kamui, negu komata eraki ḡaremanu, auki urimare au demake kinu. ¹⁶Vahi eige iauki koita dadaḡa sua daure idigevene au ḡasina idigei oroḡanu; auki au ga hedokehe sua daure oiagei hakivi, renu dika raḡane inuhati māge ḡahi gevenu. ¹⁷Oramu peroveta Isaia gare riaḡa ḡahiḡa vara, “Auki ni isuke inuhati noi ari gevenu renu ni daureve māge ḡahi gevenu.” ¹⁸Iesu raki koita dadaḡa au origi eragei, auki au ḡamituhe boriti ḡahigei iauka hakirahe otisa. ¹⁹Gerege aena koita be raki au ḡasina oroḡime auki ronu, “di Biage, ana orei otare dakamu ai itahe ororo vara.” ²⁰Gerege Iesu raki kironu, “Ura totoka iabera muni vaka uia, renu uguha iabera idi ada iau iage; eduge Koita ḡamika vara au omote maemi vaḡa roro taru veitera.” ²¹Au ḡamite be raki kironu, “Di Rohite, da so oti di mame abatemima.” ²²Eduge Iesu raki kironu, “Di itahe oroḡo, renu hoḡe raḡohane ḡare geve iaukena iavaḡu iau hoḡeve abate geisa.” ²³Iesu raki vanagiva ḡadimege, au ḡamituhe iaberaki au itahe oti ḡadihi. ²⁴Tutube veite nono ketake veni ruta geraki koa uhura seni hakivi renu iau vanagive eiava raki ḡadimi; eduge Iesu ra iaḡiaḡe. ²⁵Au ḡamituhe iaberaki oti ḡutihi, roege, “Ni Rohite, no maḡuri ḡahigeve! Nokamu negu hoḡe raḡohira vara. ²⁶Auki kiro gevenu, “Esemena ia siḡo raḡoha, kava ihihi ḡamikava ianu?” Gerege auki urimi nono mati eve gaḡa gevege; iauki ḡoiragohi vea raḡanu. ²⁷Au ḡamituhe inuhati geraki ḡaḡu raḡohi roege, “Ona otavado ata bena onu, nono mati eve ḡaitage au gare iha. ²⁸Iesu raki koa hakirahe otinu mata be ihiva Gadarene ei haki raḡanu, ata abu gera midava seni iauki haki raḡi Iesu eraḡare au ḡasina otinu. Iauka sua daure iabaraki iau uhurehe eige iauka daure ḡuma kiare eige koita iabera ḡuma ei ioa raḡira veitera. ²⁹Tutube veite iauki bara raḡohi, Dirava Moe, ana otavado bena a noi kisa roma? Ana ni vani vera so mimi veite aka no huhu ḡahigeisa rome a oroḡonu?” ³⁰ḡamana veite oho teri bauge be iabara tamuta raḡohege. ³¹Negu sua daure e iabaraki Iesu imiḡanu, “Ana negu no oia hakiha vanu, ama no besugei oho teri vire iau uhura.” ³²Gerege Iesu raki kiro gevenu, “Otiahe!” Iauki haki raḡare oti oho iau uhura siri raḡanu; renu ḡamana veite, negu oho teri e iabaraki siviḡoro raḡime iauki nimu uguraḡohi eve uhura hoḡe raḡohi veite ḡahanu. ³³Negu oho narigevege e yabeki ruru raḡohi ogo bauge uhura oti, iaga aubougi tironu. ³⁴Gerege oḡo e ḡahava inuhati geraki Iesu erara oroḡonu; yauki eraḡane, yauki imiḡanu auka yau oḡe ḡaremi ḡeahu otisa.

Chapter 92 Gerege koita be iaberaki ata be oḡiḡi veite iagahu ena iaḡare hirivi mi Iesu ḡasina oroḡonu. Auki iau ihihive eraḡare auki ata oḡiḡi veite kironu, “Hero kisa di moe; ai daureve Dirava ramu vahu gevenu. ³Gerege aena ḡaha be iaberaki iorena iavaḡu ga raḡi onaki ronu, “Ata oramu ga vime auki Dirava daure ḡahima.” ⁴Edube Iesu raki iau uhu ananave eraḡei, auki ronu, “Esemena ia iai sorukehe gure uhu anana daure raḡa? ⁵Dana rosa, Ai daureve aumu vahuganu, se dana rosa, Urimare renu oḡi. Orena ageraḡirave?” ⁶Eduge iama anaisa, Koita ḡamika vara hedokate vata ketake o ada, auka daure vahuḡeige vara, gerege auki oḡiḡi veite atava kironu, “Urima, ai iaḡia gedave mare renu oḡo ote.” ⁷Ata eraki urimare au yagehe otinu. ⁸Koita iabaraki eraḡare iauki ḡaḡu raḡohanu, mati Dirava mote ḡahege, au hedo ona kikive koita mohi gevare. Iesu raki Mataio ihiromonu ⁹Iesu oḡi otege uhura auki niḡahi ata be eraḡanu ihivara

boriti ġahima, berabe vani eighera Dirava ramu Sodoma iahe iahe vara, edube aka veitera.²⁵ Iesu raki au Mame maġe ġahanu Gerege Iesu raki imimivi ronnu, “Di Mame, va mati vata ketake o Rohiva, akera daki a maġe ġahima, aka uhu anana maġe raġare mati uhuvaka ġaha iau iaġa o reġunaki ġaġae ġahiġa veite, edube amu koita ia uhu anana mati uhuvaka veite iauge iauka eraġisa ġaġae kinu;”²⁶ riaġa vara, Mama, ora ai uhu anana maġe ġumava aki ġahara kisa.²⁷ Di Mame ramu iaġa inuhati idigei da moimanu; rennu bera au Moe riaġa ġahiġa veitera edube au Mame auvaġu gera, mati bera au Mame riaġa ġahiġa veitera au Moe auvaġu gera. Rennu oġore iana au Moe ro gevare ġahava auna iau ġaġae kisa.²⁸ “Tai bouge di ġasina oroġiahe, iana oġore ia huhu naġoha rennu isuka ketake agoha, dakena vaġaroro ia mohigeisa.”²⁹ Di isuke mi agoha, rennu ama di uguro gare anaisa; daka di soruke ramu maġe mati heġiri ġuma vara, rennu iaka vaġaroro maġe mimi vara.³⁰ Eige di huhuve mati di isuke ramu aġeraġirave iabara.”

Chapter 12

¹Vani aena beige Iesu mati au ġamituhe ruġa geraki koni ġeġe uhura oġi otege; au ġamituhe iaberaki ġubu raġohime iauki koni koboka kinivi iogevege. ²Faresia ġaha iaberaki eraġei, iauki Iesu kironu, “Eraġa, ai ġamituhe iabara sabadi vani aena ora iauki hosagi onaki kia.”³ Iesu raki boriti ġahigei ronnu, “Iana dahida veitenu Davida mati au ġamituhe ruġa ġubu raġohi kinu? ⁴Aukamu otime auki dubu uhura sirivare auki parao aena mi inu, eramu aena vara au se au ġamituhe iabera beta ivara, edube dubu biava iana iavaġu isa.⁵ Se iana aena dahida veitenu dubu biava ġainage aena hosa gevenu eduge iauka iaġa be iau ada roro veitera. ⁶Dakamu iaki roma, iaġa aena ketake be ramu oigera beta dubu ra.⁷ Eduge iana buka aena Dirava gare rone maka riaġava manu, koita iaberamu vaġahu raġisa beta de bubu dainehe, aka beta maġe koita be mi iau daureve roro vara. ⁸Maka vara Koita Ġamika vara vani aena rohi vara.”⁹ Iesu raki ei urimime auki iau dubuve otinu; ¹⁰eighera ata bera adakava ra hoeke, gerege koita iaberaki beraġanu, “Ona beta aena vanu a sabadi vaniva dika maġe ġahare?” gerege iauka au aena dodo vane eige iauka mi aena ġaha mohigeisa.¹¹ Iesu raki boriti ġahigei ronnu, “Iana be na au mamoe kobuġave sabadi vaniva oti aba uhura ariraġare auna beta ada inuġi mi butui hakiha vanu?”¹² Koita be maġurive ramu beta mamoe ruta ġereġere veitera! Eige ġuma ora beta sabadi vani aenava auki dodo vima edube ġuma maġe koita bei kiare eramu maġera.”¹³ Gerege Iesu raki ata e kironu, “Ai ade inuġa.” Auki au ade inuġare, gerege au ade raki ġoiragi maġe ġoinu, erehuta au ade hakirava naġate. ¹⁴Eduge Farisea ġaha iaberaki hakiragi otime iauki Iesu ġamiga ġumava iaġovege, iauna orenaki ġami hoekisa.¹⁵ Iesu raki iau uhu anana iauka au ġamiga ġumava iaġova gava ihinu, auki ġare gevare ġeahu otinu. Edube koita dadaġava raki au itahe otinu, gerege auki iau dikave inuhati maġe ġahi gevege, ¹⁶mati auki ġanito ġahigei iauka beta koita be iau au gare raġisa. ¹⁷Eige au onaki rone era Dirava gare rone Isaia peroveta koitava raki riaġa ġahanu: ¹⁸“Thiahe, ora da di besubesu koitave rone era, ora di moera, di soruke ra au maġera. Daka di horuve mi au ada maemisa, gerege auka mai ġuma gava koita nune nune inuhati boriti ġahi geisa.”¹⁹ Auka beta enana visa se bara visa, se bera beta orogo au enoġe ihisa. ²⁰Auka beta tiru adaka be bokobo varase vene agota beta ġodo ġahiġa varaenakime auna ate mai ġuma riaġa koita iau mi oroġisa. ²¹Rennu koita inuhati gena uhu anana maġe riaġa au ihehe misa.”²² Gerege iauki Iesu gasina atabe sua daure au uhura nisiġami oroġanu auka ni veite mati ga veite; gerege auki maġe ġahanu, eige ga veite raki gavi rennu niġa niġa vima. ²³Koita inuhati oroġane iaberaki ġaġu raġohanu mati roege, “Ora mena Davida Moera?”²⁴ Eduge Farisea ġahavaia gava ihine, iauki ronnu, “Ora sua daure iau baugete Belsebulo avagi gena sua daure oiagei hakivisa.” ²⁵Eduge Iesu ra yau uhure dibanara eige auki kirogevenu, “Ogo bauge aubougi yavahu bebe hogagevege yauka beta kobabera, ogobe se yagabe avahu hogoiare era beta ramira mege Vivira.”²⁶ Satan avahu Satan besibe gahege, auka beta kobabera. Au negu baugevena negu orenaki ramira berebe vanu. ²⁷Gerege ia roiare daka sua daure oia geima Belsebulo hedokehe. Ama ia iavaġu gena iana unuhu hedokehe gena ia oia geve? Eige ia au itahe oġiare iai gare ramu iai ġumaġe ġaġae kisa iaka beta ieriri vera.”²⁸ Eduge riaġa vara daka Dirava Horu hedokehe daki sua daure oia gevenu. Eige noma eraġisa Dirava basileiave ramu subuta ge auki oroġonu. ²⁹Se koita bera beta riaġahe ata herote be iage hosagi sirivi au kohue vahoro ididi vara, se auna beta urigo iata e raro maema vanu? Gerege auna au iaga kohue vahoro idiġisa. ³⁰Unuhuna da itaġatuima auka dakera auki da betia ġahima, mati unuhuna da iahegi bougeige veite auka Dirava auge auki oia geima.³¹ Eige daki ia boriti ġahigeima, koita iabera iau ġuma daureve mati ga daureve vahugeige vara. Eduge unuhuna Horu aena ga daure ġahima auka beta vahu vahu vara. ³²Koita be na Koita Ġamika ġasina ga daure roma auka vahu vahu vara, eduge unuhuna Horu Aena ga daure ġahima auka beta vahu vahu vara, negu tau oi oti behi behive.³³ “Ana idi be na idi maġe vanu, rennu au madike maġera; se auna idi daure vanu, rennu au madike tage daure; badivara idi ramu au madike maġeva ge ana eraġisa. ³⁴Iakamu inuhu naġate iabera! Ana orenaki iaġa maġe gava rosa, a ai uhure ra daure? Otavado ana ai uhure tobo raġi uiare era aki gava roma. ³⁵Koita maġeva ramu au uhurehe iaġa maġe uiare idigei ororo vara. Edube koita daure vara iaġa daure au uhura uiare idigei ororo vara.”³⁶ Edube iakera daki ia kiro geima, berabe vaniva koita iaberamu Dirava vaġotoni oroġi iau ga maka veite ro gevenu kiroro vara; ³⁷eige ai gare raki a maġe ġahisa, mati ai gare raki a daure ġahisa.”³⁸ Gerege aena ġaha be ia mati Faresia ġaha iaberaki kironu, “Ni Biage, noka ġahara raġohi akai iaġa be kiege noma eraġisa. ³⁹Eduge Iesu raki kiro gevenu, “Eige ġuma daure kiare mati ga ihihi veite tau o ġahava iabera ġahara raġa iauka toa be eraġisa. Eduge Dirava vara beta eravaġa nune be kiki vara kobabe au peroveta Iona au ġaġae kine eġu gera. ⁴⁰Gerege ġuma kobuġa eige Iona ramu vani abigaġa mati vahi abigaġa ge auki karava ketake vaġatane uhura, e naġate Koita Ġamika tage ramu vani abigaġa vahi abigaġa ge auna vata uhura guramisa. ⁴¹Eige Nineva koitavaia mati negu tau o ġahava iaberamu berabe vaniva urihi ia toho geige vara. Maka vara iauka Iona peroveta viege iauki iau daureve uhura ge iauki ġoiragiġohanu. Rennu eraġiahe, oroġare iaġaniva ramu raho ketakera Iona

variada gera!⁴² Mata gamana iau rohi magiva ramu gamanava urimi berabe vaniva oroḡi tau o gahava ruḡa ia toho geige vara, badiva auka mata gamana auki oroḡonu auka Solomona uhuvake gava ihisa. Renu eraḡiahe, iaḡa raho ketake be Solomona variada geramu onu!⁴³“Sua daure be koita be ḡaremare, auka eia veite matahe ioai au vaḡaroro taruhe iaḡoia vara, eduge auka beta be behube vara.”⁴⁴Gerege auki roma, Daka ḡoirāḡi da guramege oḡohe. Auka ḡoirāḡi oḡova eraḡege ahake, momo veite, renu iaḡa inuhati ḡosigei maḡe ḡahanu.”⁴⁵Gerege auna oti sua daure iatiriḡa au naḡate veite nisigei oroḡisa iauka au ruta ei gurahisa; renu negu ata e au urigoi daureve ramu avie edube ihie oramu raho ketake. Eige negu tau oi ḡuma daure oramu raho ḡoiḡo vara beta urigoi naḡate.”⁴⁶Iesu gure koita gaḡa gevege uhura, au neine mati au ḡoḡuhe iabera itahe rahirahe, iauki imimi raḡi iauka ga ḡahisa.”⁴⁷Gerege koita be raki kironu, “Ni ḡaha ai neine mati ai ḡoḡuhe vire itahe rahane, iaukamu a ga ḡahisa.”⁴⁸Eduge Iesu raki boriti ḡahane kironu, “Unuhuna di neine, renu oḡorea iana di ḡoḡuhe?”⁴⁹Gerege auki au au ḡamituhe iau ada susutemi, ronnu, “Eraḡiahe o iaberamu di neine mati di ḡoḡuhe iabara!”⁵⁰Ana unuhuna di Mame vava guramare, roiare meva kiare iaberaki riāḡa di ḡoḡe mati di amakine, mati di neine.”

Chapter 13

¹Vani kobuḡa eige Iesu raki iaḡa ḡaremi oti gohu ḡaika guramanu. ²Koita dadaḡava raki au ḡasina oti bouraḡohi ge auki urimi vanaḡi ada ḡadimi guramanu, koita iabara iau bouge gohu ḡaika rahirahe.³Auki iaḡa dadaḡa badigomu va boriti ḡahigei, roege: “Ihiahe! Nega beige ata be raki au ḡeḡehe beḡi beḡi otinu.”⁴Auka beḡi beḡi viege, iaka be iabara ḡuma eḡiahu desuraḡohi, uguha iabaraki uguraḡi iogei. ⁵Be iabara vateta munima ada desuraḡi, vateta raho veite eige gamana veite iauki kobo raḡohanu. ⁶Eduge vani ḡaravane negahe, vani hedokava raki inuhati gabu gevege iauki hoḡe raḡohanu. ⁷Iaka be iabara ḡati uhura iauki desuraḡanu, gerege ḡati raki kobo raḡohi ketake ḡahima iauki daure ḡahanu. ⁸Eduge iaka be iabera vata maḡe ada ge iauki desuraḡanu eige iauki maka kia, be iabara tinahuva, be iabara utu agorokiva, be iabara utu abigaḡa. ⁹Iana oḡoreana iana ihikotenu ihiahe!”¹⁰Gerege Iesu ḡamituhe iabaraki au ḡasina oroḡime iauki beraḡanu, “Esemena a koita o badigomua gaḡa geima?”¹¹Iesu raki kiro gevenu, “Dirava ramu va basileia uhuvaka iai iorena ḡaḡae kinu, eduge koita be iauge so veitera.”¹²Eige iana eraḡa, ana unuhuna uhuvaka manu, Dirava ramu dadaḡa ḡahi moimo vara, mati auka raho ḡahi moimo vara: eduge unuhuna veitenu, auna tina beḡu gena Dirava ra au mi ḡoirāḡira vara.”¹³Da badigomu tahu gaḡa gevare maka vara, iaukamu niḡa niḡa raḡa eduge iauka erara veite, mati iauka ihikote eduge iauka ihiihi veite se iau uhure ra bao raḡira veitera. ¹⁴Eige iauka Isaia peroveta ḡahi gavi rone:Iaka riāḡa ihisa, eduge iau uhure beta bao raḡira vara,mati iaka niḡa niḡa raḡohisa, eduge iaka beta erara vara.”¹⁵Eige koita iau soruke ramu vadibu ḡahanu,renu iau ihikoke iabara toḡeve ḡahanu,renu iaukamu iau nie kumu gevenu;eige iauka beta iau niehe niḡa niḡa raḡisa,renu iau ihikokehe ihisa,mati iauma iau sorukehe anavare renu ḡoirāḡohisa,gerege dana maḡuri ḡahi geisa.”¹⁶Eige Dirava maḡe ḡahisa iai nie, iamu niḡa niḡa raḡa, renu iai ihikoke, iamu iha. ¹⁷Riāḡa vara daki ia boriti ḡahi geima, peroveta ḡaha mati koita maḡe dadaḡa ḡahi ia eraḡane iauna so eraḡare, eduge iauka erara veite, mati iauna ia ihine ihare, eduge iauka ihiihi veitera.”¹⁸“Gerege iama ḡeḡe kiki koitava badigomuve ihisa. ¹⁹Iana oḡoreana ia basileia ga ihinu eduge iai uhurera bao raḡira veite, diaboloto raki oroḡare iau sorukehe uiare vahoro mi ḡeahu otito vara, eramu ḡuma eḡiahu desuraḡane naḡatera.”²⁰A muni ada desuraḡane iabara Dirava gare ihare renu iauki heḡirita manu; ²¹eduge koita be umuka veite, edube nega tina beḡu auna kamuisa, gerege koitaia daure ḡahi mati huhu ḡahi ga o iau dainehe, koita eramu inono veite au ihihive ramu avie ḡoiḡo vara.”²²Be iana ḡati uhura desuraḡane, o iabara au gare ihinu, eduge ahata maka iaḡaniva mati maḡuriva raki au gare daure ḡahege auki madika veite. ²³Edube negu iaka vata maḡe ada beḡene iabara, oḡore iana ga ihinu mati uhu kinu, oḡoreana riāḡa madike ḡosiḡanu, bera tinahu be, bera utu agorokiva, renu bei gera utu abigaḡa.”²⁴Iesu raki badigomu be mati boriti ḡahi gevenu: “Va basileia vara erehuta ata be demaka iaka maḡe au ḡeḡehe beḡi gevenu; ²⁵eduge vahi beige koitaia iaḡohane uhura, koita be raki ḡati daure idigei oroḡi koni ḡeḡe uhura beḡare auki ḡeahu otinu. ²⁶Eige ḡeḡe kobo raḡohi maka kiege, gerege ḡati daure tage iau uhura kobo raḡohege.”²⁷Gerege ḡeḡe iahe iahe vare koitava raki au ḡasina oti kironu, Di biage, akamu iaka maḡe eḡuge aki ḡeḡe beḡi gevenu? Orehe genu, ḡati daure o iau uhura kobo raḡoha?”²⁸Auki boriti ḡahigei, Koita daure be raki onaki kinu. Au iahe iahe atave raki kironu, Gerege ana roma nona oti ḡati daure raka geisa?”²⁹Eduge auki boriti ḡahigei, Veitera; ia negu ḡati rakai demaka iaka ḡainage raka geime. ³⁰Gare geve iau kobuḡa ḡahi kobo raḡohe ate taboro negava; renu taboro nega miege dana me ḡaha boriti ḡahi geisa, Uriḡahi ḡati bougei irosi koba koba idigei vene kisa, edube koniva bougei idigei di demaka iagehe ḡosiḡisa.”³¹Iesu raki badigomu ḡaita kiro gevenu: “Va basileia ramu erehuta idi tahaka kusinaike naḡate gerege ata be raki mi au ḡeḡehe beḡenu; ³²auka idi tahaka kusinaike vara, eduge au kobo raḡane auki idi ketane ḡoinu, eige uguha vava huraḡohi iabara au ada iaḡa kisa.”³³Iesu raki ḡaitana badigomu be boriti ḡahi gevenu: Dirava aenave rone be tage ramu erehuta maḡi be parao souka mi raho ḡahiḡa ḡadikiva ruta mi kobuḡa ḡahi degide ḡahi gerege parao ramu uhu raho ḡoima.”³⁴Iesu raki au gare inuhati badigomua koita boriti ḡahi gevege; auka iaḡa be ena roro kava veitera. ³⁵Onaki ora peroveta ḡaheva iau gare riāḡa ḡahiḡa vara:“Daka badigomu tahu ge dana ga visa;Daka badigomua ge dana vata ketake o ḡanai kine iaḡa ḡaḡae ḡahiḡa veite dana gava rosa.”³⁶Iesu raki koita ḡare gevare auki iaḡahu otinu. Gerege au ḡamituhe iabaki au itahe otime iauki beraḡi roege, “So negu a badigomu ḡati ḡeḡe uhura makava no kirogeve.”³⁷Iesu raki boriti ḡahigei ronnu, “Negu iaka maḡe beḡene era Koita ḡamika vara; ³⁸ḡeḡe ra vata ketake ora, mati iaka maḡe vara koita Dirava aenave riāḡa ḡahare ḡahavaia; ḡati ra koitaia Dirava betia ḡahare ḡahavaia, ³⁹eige diaboloto raki daure beḡene ḡahava iabara; taboro vara vata o netu netua gera, renu Dirava aneru iabaraki meva kikiva.”⁴⁰Negu ḡati daure idigei bouge vare kiragei vene raḡohisa, ḡuma e naḡate vata ketake o netu netua tage ena ḡoiḡo vara. ⁴¹Koita ḡamika ramu au aneruve

Chapter 141 Nega ei Galileia ni tabata ġahege rohiva Heroda raki Iesu gare raġeġe gava ihinu; 2 gerege auki au ġamituhe boriti ġahigei ronu, “Ora Ioane Babatiso; aukamu hoġe uhura ge auki urimi ġoirāġanu, eige auki hedo ruta me onaki kikive kima.”

besugei, gerege iauna Dirava vaġotoni oġore iana ġuma daure mati maġuri daure raġohare kasa geisa au koitatuhe iau, ⁴²Mati iauna idigei vene bubuka uhura kira geveġe, eige iauna niġo raġohi iau eġie iana ġi raġohisa. ⁴³Gerege koita maġe iana vani naġate abaga ġahisa erehuta iau Mame va oġova abage naġate. Ia ihikote ġahege ihiahe! ⁴⁴Va basileia vara erehuta iaġa maġe be vata uhura abatemeni, koita be raki behuġare; gerege auki heġirita oti inuhati haevare mati ġoirāġi oti negu mata e haevisa. ⁴⁵“Riaġa, va oġo vara erehuta me maġe ata be gure muni damu ketake iaġoi haevisa; ⁴⁶gerege auki be behuġare auki oti au ġasina iaġaniva inuhati haevare renu auka negu muni damu ketake auka” ⁴⁷“Riaġa, va oġo vara erehuta reke naġate mi eve kirai karava nune nune reke butuġei; ⁴⁸gerege reke tobo raġeġe, iauki butui oti gohu ġaika gurahi, renu karava maġeva idigei boteka bei ġosigei edube daureva iabara idigei ġeahu kira gevenu. ⁴⁹Eige onakime iauna netu netua kisa. Aneru iana ugu raġohi oroġime iauna koita maġe iau uhura ġuma daure ġahavaia kasa geisa ⁵⁰renu iauna idigei vene bubuka uhura kiragei, iauna niġo raġohi iau eġie ġi raġohisa. ⁵¹Iesu raki au ġamituhe beragei, “Iana iaġa o inuhati iai uhure iana bao raġohanu? Iauki ronu, ‘Ereġe.’ ” ⁵²Eige auki boriti ġahigei ronu, “Gerege ia aena ġaha iau ia uguro ġahigei va basileia aena iakamu erehuta iaġa biava au iaġa maġe ġosigare ei oreana isaġe mati oreana emene idigei hakivi ororo vara.” ⁵³Iesu raki badigomu roġei kosavare, auki ġare gevenu. ⁵⁴Iesu raki ġoirāġi au oġehe otime auki dubu uhura koita uguro ġahi geveġe, iauki ihi ġaġu raġohi mati berabe raġohi, “Oreigena ata o uhuvaka o mati hedo o idigevenu? ⁵⁵Ona beta iaġa ġoiare atava moenu? Au neine ihe na Maria? Mati au ġoġuhe iabara Iakobo, Iosepa, Simona renu Iuda? ⁵⁶Renu ona au amakine iana o no ruġa? Gerege oreigena ata o iaġa o inuhati idigevenu?” ⁵⁷Gerege iauki besibe ġahanu. Eduge Iesu raki boriti ġahigei, “Peroveta ġahava iauka matau ġahi gevara eduge iau oġo riaġahe mati au iaġa ġahatuhe iau gera veitera.” ⁵⁸Iauki ei riaġa ġahiġa veite, eige auki hedo me dadaġa kiogeige veite.

Chapter 141 Nega ei Galileia ni tabata ġahege rohiva Heroda raki Iesu gare raġeġe gava ihinu; 2 gerege auki au ġamituhe boriti ġahigei ronu, “Ora Ioane Babatiso; aukamu hoġe uhura ge auki urimi ġoirāġanu, eige auki hedo ruta me onaki kikive kima.”

³Edube Heroda ramu uriġoi Ioane mi vadibu iaġava maemanu, au ġoġe Filipi mabare, Herodias dainehe, ⁴badiwa Ioane raki Heroda boriti ġahege, “Ni aenave ra roma aka beta Herodias mi ai mabare kisa.” ⁵Renu Heroda auna roma auka ġami hoekisa, eduge auki koita iau siġore vanu, badiwa auka koita iaberaki riaġa ġaha roia auka peroveta koita vara. ⁶Eduge Heroda ġuruane heġiri vanihe, Herodias mae raki koitaia iau vaġotoni iavea vi Heroda tage heġiri ġahanu ⁷eige Heroda raki maiāġo e ominue ġahi auna otavado iaġa vana au ġahara vima auka mi moimo vara. ⁸Au neine raki uriġoi uhuġatu, gerege auki ronu, “Daka imimi vima aka Ioane Babatiso omote mereki ada maemi mi oroġi da moimisa.” ⁹Negu iau rohiva uhure tage huhu naġanu, eduge auki ominue vanu au deiva tuhe iau vaġotoni, eige auki au ġamituhe ġanito ġahigei iauka maiāġo imimi vane mi moimisa; ¹⁰auki besugei iauki oti vadibu iaġava Ioane omote dodoanu. ¹¹Iauki au omote dodoi mereki ada maemare iauki mi oroġi negu maiāġo e moimege, auki mi oti au neine moimanu. ¹²Ioane ġamituhea iaberaki oti au ahata make miare iauki abatemale; iauki oti Iesu boriti ġahanu. ¹³Iesu negu Ioane badine ihine negahe, auki vanaġi ġaremi avaġu tana koita veite gabuhe otinu. Eduge koita iaberaki ihare, iauki oġo ġarehime iauki au itahe vasi oġi otinu. ¹⁴Iesu raki tana hakivare, auki koita dadaġa eragei; auki uhudau ġahi gevare renu dika raġane maġe ġahi geveġe. ¹⁵Va hiriġomege, au ġamituhe iaberaki au ġasina otime iauki kironu, “Ora mata ġaġae vara, mati va ramu hiriġoromanu; no koita besu geva iau oġo oti geve mati iavaġu iau debubu iaġane hae geisa.” ¹⁶Iesu raki kiro gevenu, “Iauka beta otito vara; iakena iaġa be mohi geveġe iauna isa. ¹⁷Iauki kironu, “Ni ġasina gera iaġa veite eduge parao adakasiva mati karava abu gera.” ¹⁸Auki kiro gevenu, “Idigei oi di ġasina oroġiahe.” ¹⁹Auki koita kiroġei iauka isu ada gurahisa. Gerege auki parao adakasiva mati karava abu idigevare, auki vava gagai Dirava maġe ġahare auki parao rehaġare, auki idigei au ġamituhe mohigei, iauki idigei koita mohigeisa. ²⁰Iauki iau bouge tamuta raġohi kosai itaharahe; au ġamituhe iabaraki iau tamuta raġane momonoa idigei iauki boteka utube abu toboġa gevenu. ²¹Gerege koitaia tamuta raġohane iaberamu daha adakasiva naġate, maġi mati momono iabera iauka dahi geige veitera. ²²Gerege auki au ġamituhea besugei iauka uriġahi vanaġiva gohu hakirahe otisa, auka so koita inuhati besugei oġo oti geisa. ²³Auki koita inuhati besugei otare, auki nimu ada oti auka avaġu imimi visa. Va ra hiriġoromanu auka auvaġu eigera. ²⁴Eduge au ġamituhea vanaġiva gera hurehure oroġi vanaġiva ġadimege, badivara nono raho tinabe raki ġuguige. ²⁵Renu va tahi oroġeġe uhura Iesu raki eia ada oġi iau ġasina otege. ²⁶Eduge au ġamituhe iaberaki eraġeġe au eia ada oġi oroġeġe, iauki siġo raġohi, roeġe, “Vire ramu sua ra!” Iauki siġo raġohi bara raġohi. ²⁷Eduge Iesu raki vaina gavi roeġe, “Uhu berebe kiahe, ora dakaki; ia negu siġo raġime.” ²⁸Gerege Petero raki gavi kironu, “Rohi Bauge, ona riaġa akenu, da ġanito ġaha da eia ada oġi ai ġasina oroġima.” ²⁹Iesu raki kironu, “Oroġo.” Gerege Petero raki vanaġi ġaremi eia ada oġi Iesu ġasina otinu. ³⁰Eduge auki nono ġuguvi berebe ġahane eraġane, auki siġo vanu, auki tabe-tabe eve uguhi otege, auki nivi ronu, “Di Rohite, da iaheġa!” ³¹Iesu raki vaina au ade inuġi mi kamui, kiroeġe, “Kava ihihi avie vana anu, otavado uhu korahiva a vima?” ³²Iauka iau abu vanaġiva ġadihanu nono raki veavi kosavanu. ³³Gerege au ġamituhea vanaġi ada e iaberaki au vasi ġaika ġoru raġohi, boriti ġahi roeġe, “Riaġa aka Dirava Moera.” ³⁴Iauki koa hakirahe otinu, Genesareta matava haki raġohanu. ³⁵Koita iaberaki ihie au toaġe kiare, gerege iauki ga besuġi mata e inuhati iau boriti ġahigei iauka dikave idigei au ġasina oroġisa, ³⁶mati dika koita iaberaki imiġi roeġe, maġenu iau au ogona bisuke tage kamuisa; gerege kamuare ġahava ġaitage maġe ġahanu.

Chapter 15

¹Gerege Faresia mati aena hadiba ġahava iabaraki Ierusalemata seni oroġime iauki Iesu beraġanu, ²“Otavado beigena ai

gamituhe ia ni tenetuhe iau aenave dodova? Iau urigahi tamuta raġoha iau ade ketogeige veite.”³ Iesu raki kiro gevenu, “Gerege otavado dainehe ia Dirava aenave hosagi iai tene ġumaġe kia?”⁴ Eige Dirava raki ronnu, Ai mame mati ai neine ama matau ġahi geisa, mati, Ana unuhuna au mame se au neine iau ada ga daure raġa iauka riaga hoġe raġohira vara.⁵ Eduge aka roma maġera koitaia iau iahuvea kiro gevare, Otavado iahe iahe da iani ronnu daka ia mohi gevare, era daka mi Dirava moimoara, ⁶Eige, tene ġuma iau dainehe, iaki Dirava ga aenava matau ġahiġa veite.⁷ Tarata ġaha ma ġahanu! Ora riaga vara Isaiiah raki Dirava gare peroveta ġahane, kironu: ⁸Koita o iabara iau avaġehe ge iauki da maġe ġaha, eduge iau soruke ra dai ġamana vara; ⁹iau da maġe ġahare ra maka veitera, iauka koita iau aena gare iauge iauki hadibava raġoha.¹⁰ Gerege Iesu raki koita ihirogei au ġasina oroġare auki kiro gevenu, “Di gare ihare iama uhu maemisa: 11 era beta ai avaġehe uguhare e raki ai uhura daure ġahima, eduge ai uhurehe hakivare e raki a daure ġahima.”¹² Gerege au gamituhea iabaraki au ġasina oroġime iauki kironu, “Ana dibana Faresea ġahaia ai gare ihine eramu iau uhure huhu ġahi gevenu?”¹³ Iesu raki kiro gevenu, “Idi inuhati di Mame vava uiare beġibe veite iabara auka ġaikahe raka geige vara. 14 Ena ġaregeve; iauka ni veite be raki ni veite be nisigamima. Gerege ni veite au vasire ni veite be nisigamare iauka iau abu dahana desuraġira vara.”¹⁵ Eduge Petero raki kironu, “Aso a badigomu rone makava no boriti ġahigeve.”¹⁶ Gerege Iesu raki ronnu, “Ia ġainage iai uhure iana so bao raġohira veitenu? 17 Iana dibana veite koita be iaġa be mi iare ra au avaġehe uguhi au vaġatanehe, mati auna au ahatanahē hakivisa?¹⁸ Eduge otavado au avaġehe hakivare era au sorukehe eige auki oroġonu, gerege e raki daure ġahima. 19 Badiva otavado anana daure vana ai sorukehe anavare, koita ġahigei, ni muduka, ġuma daure, vaho, tarata, koita be iau ihe daure ġahi geisa. 20 Ġuma o iabaki koita daure ġahi geisa, eduge ada ketoke veite tamuta raġohare era beta a daure ġahiġa vara.”²¹ Iesu raki mata e ġaremi Tiro mati Sidono iau kasihe otinu. 22 Tutube viege Kanana maġi be ei uiare raki hakivi gure barai roege, “Di Rohite, Davida Moe; da uhudau ġaha, di mae ra sua daure raki au uhurehe uguhanu.”²³ Eduge Iesu ra au ġasina ga be roro veite. Renu au gamituhea iabaraki au ġasina otime iauki imiġi roege, “Besuġa au ġahe ote, auka ni itahe ge auki gure barai oroġima.”²⁴ Iesu raki kiro gevenu, “Au da besuġane ra Isaraela ġahavaia dauraġohane iaġo geige vara.”²⁵ Eduge negu maġi e raki oroġi au vaġotoni komuko daivi, roege, “Rohi Bauge da iaheġa.”²⁶ Iesu raki onaki ronnu, “Beta maġera a momona iau iare demakava miare mi totoka mohi gevara.”²⁷ Maġi e raki ronnu, “Rohi Bauge, era riaga vara, totoka ġaitage au biage tamuta viare momona desuraġane iogei gevara.”²⁸ Gerege Iesu raki kironu, “Maġi bauge, aka ihihi riaga maġi vara! A ġahara vane era aka mimi vara.” Tutube veite au mae raki maġe ġoinu.²⁹ Gerege Iesu raki ogo e ġaremi Galileia koa eġiahu oġi oti, auki nimu be ġadimi adahe guramanu. 30 Koita dadaġava raki iau dika nune nune, vasi dauretea, ni veite, ga veite, ada dauretea, nisigeime iauki au ġasina oroġanu. Iauki idiġei au vasi ġaika ġosigei, auki maġe ġahi gevenu, 31 eige koita iabaraki ġaġu raġohanu badiva iauki eraġege ga veitea ga raġohi, vasi dauretea oġigei, ni veitea niġa niġa raġohi. Gerege iauki Isaraela Dirava va maġe ġahi motea ġahege.³² Gerege Iesu raki au gamituhea ihirogeime auki kirogei, “Daka koita o iabara daki uhudau ġahi geima, badiva iauka vani abigaġa gera iauki oi da ruta renu iauka tamuta veite; mati daka beta ġubuta besugei gevara, iau negu ġumaġa manori raġohime.”³³ Au gamituhea iabaraki beraġanu, “Nona mata ġaġae oi orei demaka miare koita o vasi geisa?”³⁴ Iesu raki bera gevenu, “Iai ġasina gena parao esebugenu?” Iauki kironu, “Parao iatiriġava, mati karava kusinaike rorebe.”³⁵ Gerege Iesu raki koita gaġagei iauka vata guraġisa,³⁶ auki parao iatiriġava renu karava tage idiġei; Dirava maġe ġahare auki rehagevare idiġei au gamituhe mohi gevege iauki idiġei koita mohi gevenu. 37 Iau bouge tamuta raġohi kosai; au gamituhea iabaraki demaka momona idiġei boteka iatiriġava toboġa gevenu. 38 Koitaia tamuta raġohane atava iau ate ramu daha ababu gera, maġia mati momono iabara iauka dahi geige veitera. 39 Iesu raki koita inuhati kirogei iauka oġo otisa. Auka vanaġiva guivare auki hakirahe Magadan matahe otinu.

Chapter 16

¹Farisea mati Sadukea ġahava iaberaki Iesu ġasina oti iauki tohoġi beraġanu auka vava hedo ġuma be iau vaġotoni ġaġae kisa. ²Eduge Iesu raki kiro gevenu, “Ana eraġege va kerekare ġoiare aka roro vara, ‘Vahiġu vaniva ramu maġe ġoiġoara eige va ramu kerekare ra.’³ Mati va tahi vagutu ġoiege, ‘Negu vani oramu veni raki ġoromisa vima, badiva va ramu kerekare mati girigire ra.’ Iaka riagahe va toaġava kiare roro vara, eduge iaka beta riagahe negubutu iaġa eragevare toaġava kiki vara. ⁴Dirava riaga ġahiġa veite taua raki toa berabe raġa, edube toa bera veitera eduge peroveta Iona au ġaġae ġoine eġugera.” Gerege auki ei rahirahe gare gevare ġeahu otinu.⁵ Iesu gamituhe oti gohu hakirahe hakiraġi, iauka vagua raġanu iauka demaka be mimi veitera. ⁶Iesu raki kiro gevenu, “Iama Farisea mati Sadukea ġaha uaġatu geisa, iau gare mati iau ġumaġe erageisa. ⁷Iauki bebe kiro gevege, “Era noki demaka be mi ororo veite eige auki enaki roma.” ⁸Renu iau gava raġege uhura Iesu raki ronnu, “Iakamu iai ihihive ramu raho veitera, esemena ia demaka be mi ororo veite gava raġoha?”⁹ Iana iai uhure so bao raġohira veitenu? Iana anana veitenu ia parao adakasiva koita daha adakasiva vasi gevenu, renu boteka esebu gena ia makava kiogevenu? ¹⁰Se ia parao tina iatiriġava ata daha ababu vasi gevenu, renu boteka esebu gena ia maka kiogevenu?¹¹ Esemena iai uhure bao raġohira veite daka beta demaka gava daki roege? Edube da rone iama Farisea mati Sadukea uaġatu geisa, iau gare mati ġumaġe erageisa!”¹² Gerege iau uhure raki bao raġanu auka beta parao muraka gava ge auki uaġatu gevenu, eduge Farisea mati Sadukea ġaha ia uguro raġare gava.¹³ Iesu raki Kaisara Filipi oġo hakivi, auki au gamituhe bera gevenu, “Koita iana esegena iau roia Koita Ġamika vana unu hunu?”¹⁴ Renu iauki ronnu, Be iabera roia Ioane Babatiso, edube be iabera roia Elia, be iabera roia Ieremia se peroveta koita bera. ¹⁵Iesu raki bera gevenu, “Eduge dana unuhuna ia roia dana unuhunu?”¹⁶ Simona Petero raki ronnu, “Aka Keriso ra, maġuri Dirava Moera.”¹⁷ Gerege Iesu raki kironu, au maġeve ra aigera, Iona moe Simona! Beta ahata maka auge auki ai ġaġae

kinu, eduge di Mame vava uiare eraki a moimanu.¹⁸ Renu akera daki aki roma, aka Petero, renu aka muni ora, au ada ge daki di dubuve gōgo vara, renu hoġe iaġa bera beta vaġava ġahigā vara.¹⁹ Dakena va basileia kiva mi a moimisa, gerege otavado a vata ada oi bodibo vanu vava tage auki bodibo vara, mati otavado a vata ada oi baovare vava tage auka bao raġira vara.”²⁰ Gerege auki au ġamituhe ġanito ġahigei ronū ia negu koita be boriti ġahime auka Keriso.²¹ Gerege Iesu raki au ġamituhe kiro gevege auka Dirava rone eige auka so Ieruselema otito vara. Eigerā dubu bauge ia mati dubu biava ia, renu aena kiare ġahava iabera so mi iaġa be iau dainehe da huhu ġahi mati daka hoġe raġira vara. Eduge daka vani abigaġa itaharahe daka urimi ġoirāġira vara.²² Gerege Petero raki Iesu nisigami ġeahu otime auki namigi, roeġe, “Dirava vaġahu ġaha, di Rohite! Ġuma roiare o negu riaġa ġoime.”²³ Eduge Iesu raki aniġoiare Petero kironu, “Oi ġeahu ote, Diabolo! Akamu di oġigi ġumaġe aki daure ġahima, ai uhu ananave iabera ahata maka iaġa iauġe aki anana vima, beta Dirava au gera.”²⁴ Gerege Iesu raki au ġamituhe kirogei, “Ana unuhuna di ġahara vi di itahe oroġisa, ama avaġu ai sataurove agohare renu ana di itahe oġisa.”²⁵ Mati oġoreana iau maġurive biava raġisa iauka ġatugeige vara, mati oġoreana iau maġurive di dainehe ġatua iauka mi ġoirāġohira vara.²⁶ Koita be vata ketake o uhuġatu ġahuare auna otavado maġe be mimi vanu, edube iau maġurive ġatuisa? Se iauna otavado iaġa be mi mohigei iau maġuri riaġa mi ġoirāġohisa?²⁷ “Eige Koita Ġamika ramu vava seni au aneruve ruġa au Mame maġeve mi oroġisa, gerege auna koita koba koba iau me mane damuna mohigeisa.”²⁸ Riaġa vara daki roma, ia be ia rahirahe iabera so beta hoġe raġohira vara ate Koita Ġamika vara vava seni uguhi ororo vara.”

Chapter 17

¹ Vani agorokiva itaharahe, Iesu raki Petero mati Iakobo au ġoġe Ioane ruta nisigei iavaġu ġadihi nimu ada.² Iau niġahege uhura Iesu eravaġe raki iau vaġotoni nune ġoinu, renu au nie raki vani abaga naġate ġoi, mati au ogona kaeve ġaitage vani abaga naġate.³ Tutube vieġe Mose mati Elia iaberaki ġaġae ġahanu, iauki Iesu ruta garaġohege.⁴ Gerege Petero raki Iesu ga ġahi ronū, “Rohi bauge, no oroġane ramu maġe riaġa vara; a maġe roeġe, dana oi dubuka abigaġa ġosa, bera aie, bera Mose, mati bera Elia.”⁵ Auka gavege uhura, va abaga ketake be raki iau ada ġaruanu, mati eno be raki ori uhura hakivi ronū, “Ora di Moe riaġa vara; di sorukera; dakamu heġiri ġahima; iama au gare ihisa!”⁶ Au ġamituhea vava seni eno e gavege ihine, iauki siġo raġohi iau nie vata ada ġoru raġohanu.⁷ Eduge Iesu raki iau ġasina oroġare auki kamui gevare, roeġe, “Urihiahe renu ia negu siġo raġohime.”⁸ Gerege iauka ni iagemi auhe niġahi, iauka koita be erara veite eduge Iesu auvaġu ge iauki eraġanu.⁹ Iauka nimu seni ugu raġohege, Iesu raki ġanito ġahigei, “Ia negu ia iaġa eraġane koita be kirome ate Koita Ġamika hoġe uhura urimi ġoirāġare.”¹⁰ Gerege au ġamituhea iabaraki beraġanu, “Gerege otavado beigena aena ġahavaia roia Elia aukena uriġoi oroġisa?”¹¹ Iesu raki kiro gevenu, “Riaġa vara Elia raki uriġoi oroġisa mati aukena iaġa inuhati ġumava kiogeisa;”¹² eduge daki ia kiro geima Elia ramu subuta gera auki oroġonu, eduge koita iabara au toaġe kiki veite, edube iauki au vaġotoni iau ġahara raġeġe ġumava kiogevege. Eige Koita Ġamika tage ġuma kobaġa eige iauna huhu ġahisa.¹³ Gerege au ġamituhea iau uhure raki bao raġohanu auka Ioane Babatiso ġare ra auki roeġe.¹⁴ Iauki ġoirāġohi koita iau vaġotoni, ata be raki au ġasina otime, auki komuko daivi guramare,¹⁵ auki kironu, “Rohi bauge, di moe vaġahu ġaha, auka omo daure viare mati huhu vara rahora; auka nega dadaġa vara auki au mi vene uhura au kirai se eia uhura au kiraima.”¹⁶ Renu daki nisigami ai ġamituhea iau ġasina otinu, eduge iauka maġe ġahigā veitera.”¹⁷ Iesu raki ronū, “Iakamu ihihī ġamika mati tau berebe ġahavaia, dana iai ġasina gurami ate vaisu? Daka beta iai uhu berebe raġare ate nega orei? Ġami e mi di ġasina oroġiahe.”¹⁸ Renu Iesu raki sua daure e ġanito ġahege, auki ġami e ġaremanu, gerege ġami e raki inono veite maġe ġoinu.¹⁹ Gerege Iesu ġamituhea iabaraki iorena au ġasina otime iauki beraġanu, “Esemena no sua daure e oiaha veite?”²⁰ Iesu raki boriti ġahi gevenu, “Badivara iai ihihive ra raho veitera. Riaġa vara daki ia kirogeima, iana iai ihihive na idi tahaka kusinaike naġate ġoiare, akamu nimu o ga ġahi rosa, Oi vaġava vi virei ote, auka rakaġohi otito vara; eige iaġa bera beta ai berebe ġoiġo vara.”²¹ Edube a imimivi mati tamuta aena vieġe ana sua daure onaki koita bei oiahi hakivisa.²² Iesu mati au ġamituhe iau bouge raki oroġi Galileia bouraġohi, eige auki boriti ġahi gevenu. “Koita Ġamika vara koita iau adahe ġadimi iau aena derikehe ġoiġo vara,”²³ renu iaukena ġamisa, eduge vani abigaġa ġahigāhe auka urimi ġoirāġira vara.” Iauki iau bouge au gare ihinu iauki uhu huhu raġohanu.²⁴ Iesu mati au ġamituhe ruga Kapernanamu hakiraġi, eige dubu damu idigare ġahava iabaraki roġahi Petero ġasina beraġanu, “Iai biage na dubu damu mae mima?”²⁵ Petero raki ronū, “Erege, aukamu kima.” Petero raki Iesu otine iagahe sirivi, gerege auki uriġoi berageġe, “Simona, ai uhu ananave na otavado anu? Oġore iau gena vata ada rohiva iau damune mia? Iau ġamuhe iau se ġeahu koita be iau?”²⁶ Petero raki ronū, “Ġeahu koita iau,” Iesu raki kironu, “Gerege ni ġamuhe iabara beta dubu damu maema vara.”²⁷ Eige, noka beta namigei roro vara, eve oti karava iaġova, ġanai karava vara; a negu au avaġe baovi, aka muni tahaka be behu behu vara; ama miare mi mohigeisa aġore ni ihehe.”

Chapter 18

¹ Iesu ġamituhea iabaraki oroġi beraġanu, “Unuhuna bauge va basileia uhura?”² Gerege Iesu raki ġami ġamika be ihiromi auki oroġi iau vaġotoni ramanu,³ auki boriti ġahigei ronū, “Riaġa iakera daki ia kirogeima, ia iai ġumaġe nune ġahigei ġami ġamika o naġate ġahege, veite ġahare iaka beta va basileia uhura otito vara.”⁴ Eige ana unuhuna avaġu au mi ġami ġamika o naġatenu aukamu va basileia uhura baugera.⁵ Unuhuna ġami ġamika o maġe ġahima di ihehe auka da tagera auki da made ġahima.⁶ “Koita be momona onaki da riaġa ġahare iau ada daure ġuma kiare, au maġeve ramu muni ketake be mi au enokehe raro vare mi eve dobuhehe kira visa.”⁷ Uhudau vana vata ketake ona otavado ana daure ġahima! Ġuma

daure o iabara onaki gāgae gāhiga vara, eduge daure kiare koitava bu uhudau bena anu!⁸ Ana ai ade be se ai vase be ai ihihive avie gāhima, ama dodo vare mi gēahu kira visa; au maḡeve ramu ama maḡuri maḡe uhura guramisa daure ai ada abu se ai vase abu iau dainehe ami vene uhura a kiravime.⁹ Mati ai nie ai ihihive daure gāhege ama ḡiroi raka vare mi negevisa; au maḡevera ama ni kobabei maḡuri uhura sirivisa beta maḡe iau ai nie abu dainehe ami vene uhura a kiravime.¹⁰ “Ia negu momonaike o betia gāhi geima; iakera daki ia rogeima, iau aneruve ra nega inuhati ge auki di Mame vava uiare ḡasina gāgae gāha.”¹¹ Badivara Koita Gamika oroganera koita dauraḡohane gāhavaia maḡuri gāhigeisa.¹² Orena kimena ia anava? Ata be au mamoe ve tinahu be, gerege be dauraḡare, auka sokovaia utu iḡaḡu veite hakira iḡaḡu veite nimu ḡaregei oti mamoe dauraḡane e iḡoisa?¹³ Au behuḡare negahe, iakera daki iaki rogeima, au heḡirive ramu negu mamoe kobuḡa ei raho ketake ḡoiḡoara a utu iḡaḡuveite hakira iḡaḡu veite e iau gera au heḡirive ra aviera.¹⁴ Guma kobuḡa eige di Mame vava uiare eraki gahara veite mamoe bera dauraḡisa.¹⁵ Eduge ai oḡo nane be a daure gāhege, ama oti ia abu gurahege ama au daure kine kirosa. Eige au ai gare ihege, iamu iai abu oḡo nana maḡe raḡi goiraḡoha.¹⁶ Eduge au ai gare ihihi veite ḡoiege, ama koita abu ḡaitage idigei aruta otisa, au gare rogevene iauma riaḡa gāhi geisa.¹⁷ Ai oḡo nane gahara veite iau gare ihisa, ama dubu biava kirogeisa; edube au dubu gāheva ḡaitage iau gare ihihi veite ḡoiege, iauka itahe gāheva iabaki.¹⁸ Riaḡa vara daki aki roma, otavado ia vata ada oi kiego bodivanu vava tage auka bodibo vara, renu otavado a vahe ḡima oi vata ada vava tage auka vahe vahe vara.¹⁹ Mati, riaḡa vara daki ia boriti gāhi geima, iana oḡoreana iai vata ada oi iai abu ia imimi raḡoha, di Mame vava gera iani kiki vara.²⁰ Eiger oreigena abu se abigaḡa ia di ihehe bouraḡoha, dakamu iai vaḡotoni.²¹ Gerege Petero raki au ḡasina oroḡare ronū, “Rohi Bauge, erege ekalesia be se di oḡonane be dai daure ḡuma kiarena, dana nega esebu au daurehe uhudau ḡahisa? Nega iatiriḡava se?”²² Iesu raki kironu, “Daka beta onakime daki roma nega iatiriḡavaḡu, eduge, ama uhudau ḡahisa nega utu iatiriḡa hakira iatiriḡa vaḡu.”²³ “Eiger Dirava au Basileiave kinera erehuta rohi be raki oroḡi au me ḡahatuhea au kohuve ni tabata gāhi gevege ḡahave erageisa.”²⁴ Au gure berabe viege uhura iauki ata be mi roḡahanu auka moni domaga bera auki au manu; ²⁵ mati, auka beta riaḡahe ibinava kiki vara, gerege auki boriti gāhi roma au, au mabare mati iau ḡamuhea mati iau kohuvea inuhati ḡaitage haageisa.²⁶ Gerege negu besubesu koita eraki au vaḡotoni komuko daivi guramare auki imiḡanu, Nega tinabe da moima, gerege dana iaḡa inuhati ibinava kisa.²⁷ Rohi eraki uhudau ḡahare, renu besuḡi roma aukamu iaḡa inuhati vagua ḡahi gevenu.²⁸ Gerege ata eraki itahe hakivi au besubesu bamode be behuḡanu subuta au moni tinahu be mane era auki enokahe gigivare, kiroma, A dai moni mane ibinava ama kisa.²⁹ Au bamode raki komuko daivi guramare auki imiḡanu, So nega tinabe da moimege, gerege dana ai moni ibinava kiego goiraḡisa.³⁰ Eduge auki besibe vare auki mi vadibu iagava maiami atete au moni mane ibinava kisa.³¹ Au sokuhea iabaraki otavado iau eraḡanu e uhu huhuava raḡare iauki oti badiva iau Rohive boriti ḡahanu.³² Gerege auki besubesu koita e ihiromi kironu, Aka besubesu koita daure vara! Daka a imimi viege daki a uhudau ḡahi akai beta a moni mane ibinava kiki ronū.³³ Ana so ai bamode uhudau ḡahare da a uhudau ḡahane naḡate?³⁴ Eduge auki hoḡoime auki negu besubesu koita emi iauka ḡamisa ate auka moni mane ibinava kiki kosaisa.³⁵ Gerege di Mame vava tage koba koba onaki iai kisa, eduge iama iai soruke inuhati be iau daureve ḡaitage vagua ḡahi geisa.”

Chapter 19

¹ Iesu raki iaḡa inuhati rogei kosavare auki Galileia ḡaremi Iudea oḡo kasihe otinuu Ioridana iaro hakirahe. ² Koita mudaḡo iabaraki au itahe otege auki gure iau dikave maḡe gāhi gevege. ³ Faresia ḡahava bea iabaraki au ḡasina oroḡime iauki tarata ḡumava berabe raḡanu, “Ona ni aenave na ata be ieriri moimege auna ḡuma be iau dainehe au mabare besibe gāhiḡa vanu au itoege?” ⁴ Iesu raki ronū, “Iana dahida veitenu ḡanai ḡanai Dirava kiogevene eramu ata be mati maḡi be, ⁵ mati roma, Eiger ata ra au Mame mati au neine ḡare gevare au mabare ḡore bouraḡare, renu iauka iau abu ahata maka kobabe gāhiḡa vara?” ⁶ Eige iauka beta abu gera, eduge ahata maka kobabera. Eiger Dirava bouḡahi gevene, koita bera beta kasagei gevara.” ⁷ Faresia gāha iabaraki kironu, “Otavado beigena Mose ronū aenava ata be au mabare ḡaremisa roare auka au betia ḡahare pepava kiare moimare auna ḡaremisa?” ⁸ Iesu raki boriti ḡahigei roma, “Iaka soru berebeta iabara eige Mose raki enaki ronū, eduge sina sinava gera beta enaki ḡoiḡovera.” ⁹ Iakera daki ia kirogeima, ata be au mabare ḡaremare, eduge auka ni muduka veite, eduge auka betia ḡahare mati maḡi be mare auka ni muduka ata vara.” ¹⁰ Au Gamituhea iaba raki kironu, “Enaki atabe au mabare ḡore kiare au maḡeve ra iauka beta bebe idigei gevara.”

¹¹ Eduge auki kiro gevenu, “Koita inuhati gera aena o beta riaḡa gāhi vara, eduge Dirava mohi gevene ḡahavaḡu gera.

¹² Badivara be iabara onakime iauki guru raḡanu, mati be iabara koita iabaraki aena gāhi gevenu, be iabara beta maḡi idigei gevara badivara iaukera iauki aena gāhi gevenu va basileia dainehe. Unuhuna a riaḡa ḡahima koitava aukena riaḡa ḡahisa.” ¹³ Koita be iabaraki iau ḡamuhe idigei Iesu ḡasina otinu iau urave aukai au ade iau ada maemare iauni imimi visa. Eduge au ḡamituhea iabaraki iau ḡamuhe idigei oroḡane e nami gevenu; ¹⁴ eduga Iesu raki roma, “Momono ḡarire geiahe iau di ḡasina oroḡe, ia negu oia geima; onaki o iabara va basileia vara iauera.” ¹⁵ Auki au ade mi iau ada maemare maḡe ḡahigei itaharahe auka ḡaregei otinu. ¹⁶ Nega beige ata be raki Iesu ḡasina roḡime auki beraḡanu, “Hadiba koita, dana otavado iaḡa be kiare guragu behi behive mimi vanu?” ¹⁷ Gerege auki kironu, “Esemena a gure da beraḡima otavado vana maḡe? Koita Kobuḡa beḡu geraki maḡe. A guragu behi behive ḡahara viege, ama aenave badina ḡahisa.” ¹⁸ Ata eraki Iesu beraḡi roma, “Otavado aena vanu?” Iesu raki roma, “A negu ḡa kime; A negu ni muduka vime; A negu vahoime; A negu be iau ḡasina tarata ga rogeime; ¹⁹ Ama ai Mame mati ai neine matau ḡahigeisa; renu, Ama ai ḡaika ḡahatuhe iau ḡahara visa a avahu ai ḡahara vare naḡate.” ²⁰ Ḡami eraki kironu, “Dakamu e inuhati kiogevenu; mati otavado da so kiki veite?” ²¹ Iesu

raki boriti ġahi roma, “Ana urai akai maġe riāġa ġoiege, ote, oti ai iaġane inuhati haeguei kosai, moni va idigei iaġa veite ġahava mohigeisa, eige ana vava ai damune misa; ame ġoirāġi di itahe oġisa.”²² Ġami isaġe eraki au ġare ihare, uhu huhuta ġahe otinu, badivara auka ada bubu koitavara.²³ Iesu raki au gamutuhea boriti ġahigei roma, “Riāġa vara daki iaki rogeima, ada bubu ġahava iabara vava otitoara iau gera bere berera.”²⁴ Ġaitana daki roma, kamela vara nila vakava riāġahe siri sirivara eduge ada bubu atavara Dirava basileia ve uhura otitoara bere berera.”²⁵ Au ġamituhea au gare ihine negahe, iauki ġaġu raġohime iauki berabe raġohi onaki ronnu, “Gerege unuhuna bina maġuri vivi vanu?”²⁶ Iesu raki niġahi era gevare auki ronnu, “Koita iabara beta riāġahe kiogeige vara, eduge Dirava aige iaġa inuhatiġe auka kiogeige vara.”²⁷ Gerege Petero raki boriti ġahi roma, “Eraġa, nokamu iaġa inuhati ġare gevare noki ai itahe oġia. Nona mati otavado be mimivanu?”²⁸ Iesu raki boriti ġahigei ronnu, “Riāġa vara daki ia boriti ġahigeima, iaġa inuhati isaġe ġahi gevare negahe, Koita Ġamika au teronave adahe guramare, ia di itahe oġiare ġahavaia ġainage terona utube abu iau ada gurahare, iana Isaraela iau tene utube abu e iana nitabata ġahigeisa.”²⁹ Mati iana oġoreana ia di dainehe iai matame se iai oġo nanuhe se ai amakine se Mame se neine se iai ġamuhea, ia ġare gevenu, iaka nega tinahu be se maġuri behi behive mimivara.³⁰ Eduge oġoreana uriġaha iauka ihie ġahiġa vara, renu ihie ġahava iabara uriġahiġa vara.”

Chapter 20

¹“Va Basileia vara erehuta mata bia be raki vagutu maġa urimi otime auki koita be idigevege iauka au ġeġehe me misa.
²Auki gaġagei aukena vani be me kiare damua mohigeisa, enaki kiroge vare auki besugei ġeġe iauki otinu.³ Auki vani iaġa iġaġu veite uhura hakivi otinu, ata be eragevege iauki ena rahira kava me veite.⁴ Gerege auki gaġagei, ‘Ia ġainage oti ġeġe me miahe, dakena damu kobuġa e ia mohigeisa.’ Iauki bina otinu.⁵ Auki vani ububu kasiva mati vahiġeta vani iaġa abigaġa otinu, ġuma kobuġa e kinu.⁶ Nega tina kibe vani iaġa adakasiva uhurahe auki mati hae kiare gabuhe otege ata be iabaraki rahege auki eragevenu; auki bera gevenu, ‘esemena ia vani o uhuġati iaġa be kiki veite?’⁷ Iauki boriti ġahi ronnu, ‘Bera no gaġa geige veitera noka oti ġeġe me misa.’ Auki kiro gevenu, ‘Ia ġaitage otiahe ġeġe me miahe.’⁸ Vani ugugua ge, ġeġe biava raki au ġeġe nitabata ġahare atava ihiromi kironu, ‘Me ġaha ihirogei iau damune mohigeve, ihie roġahi me mane e iau e iau e uriġoi mohigeisa ihiege ana uriġahi orogi me mane iauie kisa.’⁹ Negu vani iaġa adakasiva me manu e iabaraki orogi, iau damune ra erehuta vani uhuġatu me raġara iau damune naġate.¹⁰ Eige uriġahi me mohigevene ġahava iabaraki iau damune misa ro orogonu, ge iau anavane iauka iau damune tinabe rahogahi mohigeisa; eduge iau ġaitage damu kobuġe iauki mohigevenu.¹¹ Iauki iau damune mare itaharahe iauki ġeġe biava hoġahi,¹² roege, ‘Ata oia ihie me mohi gevene e iabara vani iaġa kobuġa kibera iauki me manu, eduge amu iau damune mohi gevene erehuta iauka vani uhuġae no ruta me miage vani hedo uhura naġate.’¹³ Eduge auki iau be kironu, ‘Vasi, daka beta akera daki a daure ġahanu; nona beta riāġa ġahanu noka vani be me miare damunava misa?’¹⁴ Negubutu ai damune mare bina ote; daka urai negubutu ata oreana ihie me manu e damune beta rahogahi moimisa ia mane ada..¹⁵ Dana bina riāġa davahu di moni vehe beta di urave be kikivanu? Se mama raġohimena badivara di ade ra baobao vera koita iau.¹⁶ Eige Iesu raki netu netua onaki ronnu, oġore iana ihie iaukena uri ġahisa oġore iana uriġahanu iauka ihie ġahisa.”¹⁷ Iesu Ierusalemia ġadimi otine, auki au ġamituhea utube abu nisigei ġeahu otime, auki iau oġiege uhura norena gaġa gevenu,¹⁸ “Thiahe, noka Ierusalemia ge noki ġadihi ota, renu Koita Ġamika varamu eige iauna mi aena kiare ġahava mohigeisa. Iaukena au hoġe ġumaġe riāġa ġahege iauna hoekisa; ¹⁹oige iauna mi ġeahu ġaha mohigevege iauna eha iahia ġahi mati hodivi atete iauna satauro ġahisa; eduge vani abigaġa itaharahe auna urimi maġuri vi ġoirāġisa.”²⁰ Oige Sebedaio mabare raki Iesu ġasina otinu au ġamuhe abu ruġa tage, gerege auki uriġoi ġorumi maġe ġahare auki imiġanu.²¹ Iesu raki beraġanu, “Otavado ġahara gena a vima?” Auki kironu, “Ana beta riāġa ġahi roroanu di ġamuhe abu ruġa bera ai vamaġahe bera ai vagadahe iauna gurahisa.”²² Eduge Iesu raki ronnu, “Iaka dibana veite otavado ġahara gena ia raġoha. Da huhu evia isa roiare iana riāġahe ivanu?” Iauki kironu, “No tagera ivara.”²³ Iesu raki kiro gevenu, “Iaka riāġahe ivara di kapusihe, kobuġa berege unuhuna di vamaġahe se di vagadahe guramisa, era beta daki rosa vima, eduge oġore iana di Mame riāġa ġahigeima e iau iera.”²⁴ Iau ate utube ga o ihire, iauki ġami aburuġa ho ġahi gevenu.²⁵ Eige Iesu raki iau bouge ihirogei bougeime auki kirogevenu, “Iaka dibana daure iau hedoke raki idigeima mati urigatu gevare ġahava tage hedo inuhati iaugera.”²⁶ Eduge era beta ġuma vara; ia negu iai e anaima iai be aukai urai ihi rahote ġoisa auka iai besu besu koitave ġoigoara,²⁷ mati bena urai aukai uriġatuġa koita ġoisa era auka ġoirāġi iai bouge iai besu besu meve ena kiogeige koitava ġoigoara;
²⁸erehuta Koita Ġamika orogone naġate auka beta koita be iabara au meve kiogeisa eduge aukena bunu iau besu besu meve oġiġiva viogeisa, mati au maġurive mi maiamisa koita inuhati iau dainehe.”²⁹ Iesu mati au ġamituhea ruġa Ieriko ġarehane, koita dadaġava raki iau itahe otinu.³⁰ Ata abu ni veite iabaraki ġuma ġaika gurahege uhura iauki ihinu Iesu raki oġi hanevege, iauki bara raġohi, “Ni Rohite, Davida Moe, no uhudau ġahigeve!”³¹ Koita iabaraki namigei roege kerri ġahiahe; eduge iauki ġaitana bara raġi roege, “No uhudau ġahigeve, ni Rohite, Davida Moe!”³² Iesu raki ramare auki ihirogei, roege, “Iana otavado ia ġaharahe raġoha dakai iai kisa?”³³ Iauki kironu, “Ni Rohite, nokamu uraraġi akai ni nie baogeisa.”³⁴ Gerege Iesu raki uhudau ġahigei iau nie kamugei. Tutube viege iauki niġa niġa raġohare iauki au itahe oġinu.

Chapter 21

¹Iesu mati au ġamituhe ruġa oti Ierusalemia kahika ġahare iauki oti Betefage hakiraġi, Oliva nimu ġaika, eige Iesu raki au ġamituhe abu besugevenu,² auki kirogevege, “Oti iai vaġotoni oġo be ramu enu, iaka negu doniki bera raro raro ve behube vara, ġamikave ġore; vahege vare iama nisigei orogiġa.”³ Koita bea iaġa be roege, iama kirosa, ‘Rohi bauge eraki ġaharahe

viogeima gerege auma vaina ġarire geisa.⁴ Ġuma oramu ġaġae ġoinu peroveta koita e ġare bina riāġa ġahīġa vara, roege,⁵ “Ierusalem oġo ketake e boriti ġahiahe, Eraġiahe, iai rohite ramu e oroġima, manauve, renu auka doniki ada ge auki ġuivanu, renu doniki ġamika dehiehe gera.”⁶ Au gamituhea iabaraki au boriti ġahi gevene ġumahe kiogevenu;⁷ Iauki doniki mati ġamikava nisigei roġahege iauki ogona idigei iau ada ġosi gevege, Iesu raki ġadimi adahe guramanu.⁸ Koita dadaġa iabaraki iau ogonave idigei ġumaġa tatagei, mati be iabara idi hanaka bokogei ġumaġa tatavare gevege.⁹ Koita dadaġa au vaġotoni urīġahi otege be iabara au itahe oġiege iauki bara raġohi roege, “Davadi Moe Maġe ġahi iahe! Maġe ġahiahe auka Rohi Bauge ihehe ge auki oroġima! Aumi no vava Moteaha!”¹⁰ Iesu raki Ierusalem hakivi, koita iabaraki kou kiege heġiri raġohi, berabe raġi roege, “Ona unu hunu?”¹¹ Koita iabaraki to raġohi roege, “Ora Iesu peroveta koita era, Nasareta Galileia ge auki oroġanu.”¹² Iesu raki dubu ġadimi time auki hae kiegare ġahavaia inuhati oia gevenu, mati moni senisi ġahegare patava renu uguha haevege ġahava iau guragu iaġane inuhati iagegei bohu gevenu.¹³ Auki boriti ġahigei ronnu, “Dirava ra onakime auki ronnu, ‘Di iagera imimi iaga vara’; eduge iaka mime iaki ia vaho ġaha iau hata gabune kia.”¹⁴ Koita ni veite mati vasi daurete ġahava iabaraki au ġasina dubu otege, auki maġe ġahi gevenu.¹⁵ Eduge dubu baugea mati aena kiki ġahava iabaraki au me maġe kiege koita maġe ġahi gevege eraġei, mati iauki ihege momona iabaraki bara raġohi roege, “Davida Moe Maġe ġahiahe,” iauki ho ġahanu.¹⁶ Gerege iauki beraġi ronnu, “Ana ihima otavado iau roia?” Iesu raki kirogevenu, “Erege; iana buka aena dahida veitenu, Iakamu momona ia mati karukarea iau avaġehedadiba ġahigei ġuma maġe kiogeva mati noġova tage?”¹⁷ Iesu raki ġare gevare, auki urimi otinu Betani vahi kobabe ei iaġanu.¹⁸ Va tahege Iesu raki oġi ġoirāġi Ierusalem otinu. Au ġumaġa ge auki ġubu raġanu.¹⁹ Auki suke idibe ġuma ġaika eraġanu, gerege auki erarava tiege maka veite hanaka unaġe. Gerege auki idi eki ronnu, “Aka beta ġaitana makate ġoiġoara!” Tutube veite suke idi era hoġe raġanu.²⁰ Au Gamituhea iabaraki eraġare iau bouge ġaġu raġohi, roege, “Orena kimena suke idi e vaina hoġe raġanu?”²¹ Iesu raki kirogei, “Riāġa vara daki roma, iai ihihive ia riāġa ġahare mati uhu abu veite ġoiare, se beta da suke idi virei kine naġate, mati beta oġu geraki eduge iaka nimu o tage ga ġahege, ‘Oi rakahoġi eve uguha,’ auka auvahu rakahoġi eve uguguara.”²² Ana riāġa iaġa bena a ġaharahe imimiva kima, aka iaġaniva mimivara.”²³ Iesu raki ġoirāġi dubu otinu uhura, dubu baugea mati koita baugea iabaraki au ġasina time iauki beraġanu, “Otavado hedo beigena a me o kiogeima, mati unuhuna ieriri a moimanu?”²⁴ Iesu raki kirogei roma, “Berabe kobabera daki ia mohigeima; ia makava da boriti ġahege, gerege dana ia boriti ġahigeisa unuhu hedokehe gena da me o kiogeima.”²⁵ Oreigena Ioane ieriri marena au babatiso viege, Dirava ai gena se koita iau gena?” Iauki iavahu gure bebe bera gevege iauna kiege eseki roroanu, “No negu roare, ‘Dirava ai gera,’ auka noki rogei gevare, ‘Menu gena ia Ioane riāġa ġahīġa veite?’”²⁶ Eduge no mati roare, ‘koita iau gera,’ noma koita iau siġore raġohisa; badivara iauka iau uhugati gera Ioane ra iauki riāġa ġaha auka peroveta koita vara.”²⁷ Gerege iauki Iesu kironu, “Noka dibana veitera.” Iesu raki mati boriti ġahigei ronnu, “Da tage beta ia boriti ġahi geige vara dana ieriri oreigena da ġuma o kiogeima.”²⁸ “Otavado ana ia anava? Atabe au ġamuhe mo abu; auki oti ġami bauge besugime auki ronnu, ‘Di moe negubutu oti ġeġe me ma.’”²⁹ Auki besibe vi ronnu, ‘daka be otitoara’; eduge auki ihie ananavi ġoiragare auki otinu.³⁰ Iau Mame raki ġami abu ġahigava ġasina otime auki ga kobuġa e kironu, auki itonu, ‘da kena otisa, mama’; eduge otito veitera.”³¹ Iau abu iau uhura unuhuna iau Mame rone meva kinu?” Iauki ronnu, “Ġami bauge.” Iesu raki kirogevenu, “Riāġa vara daki ia boriti ġahi geima, takisi gogoare ġahava mati ni muduka raġare iaba ramu Dirava basileiave uhura ia urīġatugei otitoara.”³² Ioane iai ġasina orogone ra ġuma ieririva ge auki oroġonu eduge iaka riāġa ġahīġa veitera, edube takisi gogoare ġahavaia mati ni muduka ġaha iabara iaka riāġa ġahanu; renu ia ihie eraġane tage iakamu beta anana raġohi ġoiragare riāġa ġahanu.³³ “Badigomu be mati ihi iahe. Nega beige mata bia be raki ġeġe be kinu, auki ġarava kiare, au make kiki abava tage, renu ġeġe nitabata ġaheva iau niġa niġa iagava tage ġonu. Gerege auki ġeġe nitabata ġahi gevare iau ada uhura maemare auki oġo ġaremi mata bei otinu.”³⁴ Ġeġe taboro ġahīġa negava raki kauge, auki au me ġahatuhe besu gevenu ġeġe nitabata ġahare iau ġasina au ġahune mimiva otinu.³⁵ Eduge ġeġe nitabata ġahava iabaraki au me ġahatuhe oiagei, be hodivi hoekare, mati muni tahu ġahi gevege.³⁶ Auki ġaitana au me ġahatuhe dadaġa besu gevenu, urīġoi besu gevene era avie; eduge iauki urīġoi ġuma kobuġa e iau kinu.³⁷ Netunetu ge auki au moe besuġanu iau ġasina, roege, ‘Iauka negu di moe matau ġahīġa vara.’”³⁸ Eduge ġeġe nitabata ġahare ġahavaia au moe eraġane, iauki onaki ronnu, ‘Oramu ġeġe o biava moera; no ġami hoekare noma au ġeġe noni misa.’”³⁹ Gerege iauki ġami hoekare, miare ġeġe itaharahe kiravanu.⁴⁰ Gerege negu ġeġe biava oroġare na otavado auna kikivanu ġeġe nitabata ġahare ġahava iau?”⁴¹ Iauki boriti ġahi ronnu, “Auka negu koita daure inuhati ġahigei hoeki gevare, auna ġeġe emi koita be mohigeisa, gerege iauma au ġeġe make kiki negahe au ġahune tage anavisa.”⁴² Iesu raki kirogevenu, “Iana Buka aenava dahida veitenu: ‘Muni bera iaga ġovare ġahava iabara besibe ġahamuni eramu au ġaikera; Ora Rohi bauge au kikivera, renu eramu heġiri erara vaġa maġe vara?’”⁴³ Eiger a daki iaki rogeima, Dirava basileia vera auka iai mi ġoiragare mati mi oġore iana madika maġe kiare e mohigei gevare.”⁴⁴ Unuhu na muni ada desuraġi ġohima auka hosaraġi tina tina ġoiġo vara; mati koita be ada gena au desuraġi ġohima auka ġami hoeki kivara.⁴⁵ Haroro baugea mati Faresia ġahaia au badigomuve ihine negahe, iauki dibana ġahanu auka iaukera auki iau gare vima.”⁴⁶ Gerege iauki au ni taġotaġo mimiva ronnu, eduge koita dadaġa eige iauki siġo raġohanu, badivara iauki roia Iesu rai peroveta koita ġoisa.

Chapter 22

¹Iesu raki ġaitana badigomua koita gaġa gevege roege; ²“Va Basileia vara onaki ġoiġovera rohi be au moe maġi mare rigiva kiare naġatera.”³ Auki au besubesu ġahatuhe besugei iauki oti au ihiro gevene ġahavaia au moe maġi mare rigiva kinei, eduge iauki besibe raġi ororo veite.”⁴ Gerege auki ġaitana au besubesu ġaha be mati besugei, roege, “Da ihiro gevenu

gahava boriti gahigeisa: Eragiahe, da rigi o kina, di ada vasi vasive iagani gainage damu gahi gevenu, renu iaga inuhati gera netu raġanu; oroġiahe,⁵ Eduge au ihiro gevene gahava iabara au totovehe otito veite, bera goiraġi au ġeġehe otinu, bera au meve kikiva otinu, ⁶be iabara au besubesu gahava kamugei, ġoġai gahigei, renu gahi hoeki gevenu. ⁷Negu iau rohite raki hoġoi. Auki au besubesu gahatuhe inuhati besugei, iama oti ġa kine koitava gahigei hoekigei renu iau oġe tage iama gabuisa. ⁸Eige auki au besubesu gahatuhe boriti gahigei ronnu, ‘Rigi meva ramu netuanu, eduge da ġanai ihiro gevene dakamu beta ihirogei gevare. ⁹Otiahe oġo uhura, oġoreana ia eragevare iama ihirogei iama rigi demaka oi oroġisa.’ ¹⁰Gerege au besubesu ġamituhea iabaraki oti ġumaġa koita maġea se daure ia inuhati bougevare, iauki nisigei oti rigi me iagava tobo ġahanu. ¹¹“Eduge iau biage raki oroġi iau ihiro gevene gahavaia erageisa, edube auki atabe eraġege auka ogonava nune vara auki kinu, ¹²gerege auki beragi ronnu, ‘Vasi, esemena a ogona maġe be kiki veite, renu orena kimena a sirivanu?’ Eduge ata era ga be roro veite. ¹³Eige iau biage raki au gahatuhe kirogei, ‘Au vase mati au ade raro gevare, iama mi itahe vadibua kiravisa, eige auna nivi atete au eġie iana ġi raġohisa.’ ¹⁴Dadaġa vara auki ihiro gevenu, eduge rore kibegu gera auki idigevanu, oġoreana au totove ihine.” ¹⁵Faresia gaha iabaraki bouraġohi tarata ġuma bei iauka beragi ronnu. ¹⁶Gerege iauki iau ġamituhe bea mati Heroda koitatuhe ruġa besugei au ġasina otinu, roege, “Hadiba Koita, noka dibana aka ga riaga koita vara, mati aka Dirava ġumaġe riaga vara aki kirogei, renu aka be nune gahiġa veitera; aka anana veite auna koita bauge vanu se veitenu. ¹⁷No boriti gahigeve, orena kimena a anaima. Aena ona riaga vanu, noma Kaisara tax moimisa, se veite?” ¹⁸Eduge Iesu ra dibana iau tarata gare, eige auki kirogevenu, “Iaka avanaġe gaha iabara, otavado beigena ia gure da taraġisa roia? ¹⁹Aso negu muni tahaka be mi da ġaġiromiahe.” Gerege iauki be mi moimanu. ²⁰Gerege Iesu raki beragei, “Ona unuhu vari vade mati ihe iana onu?” ²¹Iauki ronnu, “Kaisara iera.” Gerege Iesu raki boriti gahigei ronnu, “Eige Kaisara ienu iama mi moimisa, mati Dirava ienu iama mi Dirava moimisa.” ²²Iau au gare ihine, iauki ġaġuraġohi; eige iauki ei ġarehi ġeahu otinu. ²³Vani kobuġa eige Sadukea gaha be iabaraki Iesu ġasina oroġime, iauki boriti gahi ronnu koita bera beta hoġe raġare mati urimi goiraġira vara; renu iauki beragi, roege, ²⁴Hadiba koita, Mose ra onakime auki ronnu, ‘Ata be ġamika veite hoġe raġare, au ġoġe ra au ġobuve miare, gerege iauna iau ġamuhe raho gahigei erehuta ata hoġe raġane au ġamuhe. ²⁵Negu oġo nana iau ate inuhati iatiriġava gera iauki uiege; ata bauge raki maġi mare, auki ġamika veite hoġe raġanu, gerege au ġobue ġaremanu au ġoġe ġasina. ²⁶Au ġoġe abu gahiġava ġuma kobuġa ei, mati abigaġa gahiġava tage, oti netunetua iau ate iatiriġava iau. ²⁷Netunetua, maġiva tage raki hoġe raġanu. ²⁸Maġurivi goiraġira vara, gerege, auna iau ate iatiriġava unuhu mabare renu? Iaukamu iau bouge maġini kinu.” ²⁹Iesu raki boriti gahi gevenu, “Iaka otito daure vara iaki raġoha, badivara iaka Buka aena se Dirava hedoke tage iaka dibana veitera. ³⁰Hoġe koita urimi goiraġare iabara beta maġite se mabate gahiġa vara, eduge iauka vava aneru naġate gahiġa vara. ³¹Gerege hoġe uhura maġuri raġohare, ana buka dahida veitenu otavado Dirava ia boriti gahi gevenu, ³²Dakamu Aberahamo, Isako, renu Iakobo iau Dirava vera?” Auka maġuri ġahe iau Dirava vera, beta hoġe ġahe iau iera.” ³³Ġaru ġahaia iabaraki au gare ihime iauki ġaġu raġohanu. ³⁴Faresia gahava iabaraki ihege Iesu raki Sadukea gahavaia kou kiego avigahanu, gerege iauki iau bouge bouraġohi, ³⁵mati iau bera aena hadiba koita vara, eige auki tohogi beragi. ³⁶“Hadiba koita, aena uhura orena aena bauge?” ³⁷Iesu raki kironu, “ ‘Ama Rohi Bauge ai Dirava ve ġaharahe visa, ai soruke inuhati, mati ai suare inuhati, mati ai uhure inuhati.’ ³⁸Ora sina sinava oroġi negu aena ketake riaga vara. ³⁹Renu aena ketake abu gahiġava aukamu onu: ‘Ai ġaika koitave ama au ġahara visa a avahu ai ġahara vare naġate.’ ⁴⁰Mose aenave inuhati mati peroveta gaha iau hadiba ġumaġe iabaramu aena o abu ro gevene iau gena iana iahe misa.” ⁴¹Faresia gaha be iabaraki bouraġege. Iesu raki bera gevenu: ⁴²“Iana orena kimena ia Keriso anava? Auna unuhu moenu?” Iauki kironu, “Auka Davida moera.” ⁴³Auki kiro gevenu, “Orena kimena Horu Aena Davida uhurehe ga gahe gena au ronnu, Rohi Bauge, ⁴⁴Rohi Bauge eraki di Rohi kironu, “Di vamaġa kasihe gurama, atete dana ai enana gahatuhe idigei ai vasi derikehe ġosigeisa.” ⁴⁵“Ama Davida ra roma Rohi bauge, orena kime auka au moe?” ⁴⁶Koita bera mati au berabeve makava roro veitera. Vani eiger a bera mati au berabeve vivi veitera.

Chapter 23

¹Iesu raki ġaru ġahaia mati au ġamituhea gaġa ġei ronnu, ²“Iana Aena ġahaia renu Faresia ġahaia aumu hedo mohi gevenu iauka Mose ga hane gahiġa gahatuhe iabara; ³eige, iama iau gare ihigevare mati ġumahe oġigeisa, edube ia negu iau kiogevare tohogeime, badivara iauka iau ga raġohare ġumahe oġigi veitera. ⁴Iauka iaga isukate, mati berebere ra iauki ruhiga, mati iauki mi koita be iau ada ġosigei, eduge iauka beta riagahe iau ada kakunehe beta iahegei gevare. ⁵Iaga inuhati gera iauki kiogevanu koita iabara erageisa; edube iau gera iauki idigei iau varikehe mati iau adahe raroġei mati tinabe ketake gahi koita iabara erageisa iauka Dirava kamui berebe gahava iabara. ⁶Iauka gabu maġeva iauki ġaharahe raġoha rigi negava mati dubu uhura iauka guragu gabu maġeva gurahisa, ⁷Iau urave koita iabara hae kiare gabuhe mataua maġe gahigeisa, mati rosa hadiba koitaia. ⁸Eduge bea negu ia idigei hadiba koita rogeime, badivara hadiba koita vara kobabera, iaka iai bouge gere gereve iabara. ⁹Mati ia negu vata ketake o ada be mi rome mama, badivara iai Mame ra kobabera–vava uiare. ¹⁰Se ia negu ia bebe idigei uriġatuġa koita rogeime, badivara iai utiġatuġa vera kobabera, auka Keriso ra. ¹¹Iai uhura be iau mi raho ġahare auka ia besubesu koitave ġoġoara. ¹²Unuhuna auvahu aumi raho ġahima, auma manau visa, mati unuhuna manau vima auka raho gahiġa vara. ¹³“Aena ġahaia mati Faresia ġahaia, tarata ġahaia! Iaka koita iau basileia otito ġumava iaki koua. Edube ia iavahu ġaitage uhurahe otito veitera, eduge be iau otito ġumaġe iaki kougeve. ¹⁴“Aena ġahaia mati Fariea ġahaia, kava tarata vane ianu. Badivara iaka ġobu taragei iau iage kohuve idigei, mati ġuriġuri eige roġei be iabara ia erageisa; eiger a Dirava ra iau kiare gahuara isukate ġoġoara. ¹⁵Kava tarata vane

aena hadiba gahaia mati Faresia ianu. Badivara iaka eve mati vata ketake ora iamu ioa gahanu iakai koita kobabe maguri gahisa, renu iaka mi auka ia bei goisa, eige iai gaitage iau daure gahune tage mi vene uhura ia kira geige vara.¹⁶ Kava urigatuğa gaha daure ia, iana niğa niğa veitenu ia gure roia, 'Unuhuna dubu aena ihehe be ominue varera maka veitera, eduge unuhuna Dubu aenava ominue viege auka au gare riaga gahiga.'¹⁷ Iakamu ni kopute mati omoto veitea! Orena ihi rahote, negu golo vanu se, Dubu uhura golo aena gahare enu?¹⁸ Onakime iaki roia, 'Koita be pata o gaika ominue vare ra iaga be veitera, eduge au iaga be pata ada ei ominue gahege auka e badina gahiga vara.'¹⁹ Kava ni kopu ana ianu! Orena ihi rahote, iau mohimohi ragare enu se aena iaga be iau aena gahare pata vanu?²⁰ Gerege unu huna ominue vima pata aena e ihehe, e aukena pata aena e mati pata ada iaganiva inuhati iau ominue visa;²¹ mati au negu Dubu ei ominue vareva, auka Dubu ei mati Dubu e uhura uiare Diravava auge auki ominue vima;²² mati koita be va ihehe ominue vare, auka ominue vara auki vima Dirava terona vehe mati gaikahe unuhuna au ada guramima.²³ Kava tarata vana aena gahaia mati Faresia gaha ianu! Badivara iamu demaka mage gahiga madikava tinatina iaki boubou nagate mi Dirava moima, eduge aena ga baugea iaka matau gahiga veite: aena bauge o iabara iana idigei koita bea mati vagahu gahi geisa.²⁴ Kava urigatuğa gaha daure ia! Iakamu iaga kusinaike be ai eia uhura ariragare iamu kokiva, edube iaka kamela ketake erara veite iara soneva!²⁵ Kava tarata vana aena gahaia mati Faresia gaha ianu! Iaka iai tamuta kohue itahara vagu ketova, eduge uhurava vara ididi kava gumaia mati guma daure ia iabaraki tobo ragohanu.²⁶ Iaka ni koputea Faresia gahaia! Otavado vanu kapusi uhura e urigahi ketoviahe, gerege itaharava tagena mage goisa.²⁷ Kava tarata vana aena gahaia mati Faresia gaha ianu! Iaka erehuta hoĝe gaha iau midavave itaharava iau regui kae gahare, eduge uhura vara hoĝe ita mati miro raki tobo gahanu.²⁸ Ia gaitage koita itahe ia eragevare iaka mage iabara, eduge iai uhure iaka tarata mati guma daure raki ia toboĝa gevenu.²⁹ Kava tarata vana aena gahaia mati Faresia gaha ianu! Iaka peroveta gaha mati Dirava riaga gahege gahava iau abate gevene gabua regugei mati herati gahigeva,³⁰ mati iaki ronui, 'No ni tenetuhe iau guru ragane negahe goinebe, iau peroveta gaha gahi gevene noka beta iahe gevenu.'³¹ Eige iaki iavahu ia gaĝae gahigei iaka peroveta gaha iau gahigei hoeki gevene iau tenetuhe iabara.³² Oti kiego netu netua tiahe, iai iahuvea sina sinava kinehe.³³ Inuhu daure ma gahanu! Iana negu vene ia besugevare iana orenaki siviĝoro ragira vanu?³⁴ Eiger daki negu peroveta gahaia, uhuvaka gahaia, mati aena kiki ghavaia, iai ĝasina besu gevenu. Eduge iaki be gahigei hoeki mati satauro gahigei, renu dubu uhura be hodigei, iaogei oĝo bei oti oĝo bei,³⁵ gerege guma mage kiogevare gahava gahi gevene ghauara iai ada gera. Abela guma ieriri koita mati Barakia moe Sakaria ia pata aena padahege iaki ĝami hoekanu.³⁶ Riaga vara daki ia boriti gahigeima, negu tau o ghava iaukena ghua misa.³⁷ Ierusalem, Ierusalem, iaki peroveta gaha gahigei hoekigei mati Dirava besu besu ghahatuhe muni tahu gahigei! Dana nega esebu da urai iai ĝamuhe idigei di gaika bougeisa, erehuta uguha au ĝamuhe inuhati au akahanehe baku gevare nagate, eduge iaki besibe raganu.³⁸ Eige iai Dubu vera koita veite mati ahake goigoara.³⁹ Iakera daki ia boriti gahi geima, iaka beta da eraĝi goiragohira vara atete ia rosa, 'Rohi bauge ihehe oroĝare koitava iama mage gahisa.'

Chapter 24

¹Iesu raki Dubu uhura hakivi itahe otege, au ĝamituhea iabaraki au ĝasina oroĝime iauki uhugatu aukai otavado iau Dubu kiogevare e erageisa.² Gerege Iesu raki bera gevenu, 'Iana iaga inuhati erageva se veitenu? Riaga vara daki ia kirogeima, muni kobuĝa be tagera beta uara au gabunehe; iauka inuhati dede ragohira vara.'³ Iesu Oliva nimu ada guramane uhura, au ĝamituhe iabaraki goĝohu au ĝasina otinu, iauki beragi ronui, 'No boriti gahigeve, a rogevene o inuhati gena vaisu gaĝae gahiga vanu, mati otavado toavana gaĝae goigoanu a goiragi oroĝare renu vata ketake o netunetu?'⁴ Iesu raki boriti gahigei roma, 'Iama iavahu iai ĝabide regugeisa bea negu ia tarageime.'⁵ Badivara koita dadaĝa iabara di ihehe oroĝi roroara, 'daka Keriso ra!' mati iauka koita dadaĝa tarageige vara.⁶ Eduge iaka ĝarara kerike ihigei gevara mati ĝarara badia; eduge ia negu anana momo ragohime; onaki o iabara gaĝae gahiga vara, eduge beta netu netua raki kauanu.⁷ Iaka ihege mata be iaugera iaukame bebe goĝai gahigei mati ĝarahi, mata au bouĝige ramu ĝubu ragohi mati vata vagava ia kauka vara:⁸ Iaĝa o inuhati geramu erehuta ĝami karuka ĝaneganei guruaru huhua nagatera.⁹ Eige iauna ia idigevare ia daure gahigei mati ia gahigei hoeki geisa, renu mata o koitava inuhati gena ia betia gahi geisa di dainehe.¹⁰ Renu koita dadaĝa iabaramu negu iau ihihive garegei, bebe daure gahigei gevara renu bebe betia gahigei gevara.¹¹ Gerege koita iabara roĝahi peroveta avanaĝe ragisa mati ia taragei geahu ota..¹² Badivara guma daure tage ramu iau hakiragi, koita mage iau ihihive renu iau bebe gharahe ragohare gainage ribiribe gahiga vara.¹³ Eduge unuhuna uhu berebe vima auka netu netua maguri mimi vara.¹⁴ Gerege badi mage o koita iabaramu vata ketake o ada ro ioa ragisa, Dirava gare noma ni bouge ihisa mati riagahisa; ihiege netu netuana kauisa.¹⁵ Iaka negu dubu aenava iaga daure be ramare erara vara, peroveta koita Daniela raki badiva ronui (ga o dahare ghavaia makava na otavado vanu),¹⁶ gerege oĝore iana Iudea uhura iama siviĝoro ragi nimu otisa;¹⁷ koita bena iaga ada gena auma ĝoromi oti iaga uhura au kohue idigeisa;¹⁸ unuhuna itahe me mimare au negu au ogonave mimiva goiragime.¹⁹ Kava uhudau veitenu vana vani ei magi oreana detu mati oreana ĝami karukate ianu!²⁰ Iama guriguri kisa Dirava ĝasina iaka beta riagahe siviĝoro ragira vara au veni se ribiri negava se sabadi vaniva tage.²¹ Badivara nega ei huhu raho iabara gagae gahiga vara, huhu ona kikivera vata ketake o kine negahe gaĝae gahiga veite atete negu, eduge negahie huhu o nagate bera mati beta gaĝae goigoara.²² Eduge Dirava ramu subuta vani tua gahi gevenu, au kiki veite goinebe bera beta maguri vane; eduge koita be iau gutiguti gera Dirava na vani e tua gahigeisa.²³ Gerege koita be aki roare, 'Eraĝa! Oramu Keriso ra!' se 'Vieramu aukaki!'---a negu riaga ghahime.²⁴ Badivara Keriso tarata ragare mati peroveta tarata ragare ghava iabara urihi toa bea mati gaĝu

ragira iağa be gağae kiogeige vara. Mati Dirava genenge idigevane e gainagera iauki daure gahi geisa roia.²⁵ Ihiahe, iakera daki urigoi ia boriti gahigeima.²⁶ Se, iana aki roege, ‘Erağiahe! Aukame mata gağaeva gera,’ a negu ei otime. Eduge iau rosa, ‘Erağiahe! Aukame iaga uhura hataima,’ ia negu riaga gahime.²⁷ Badivara Koita Gamika orogarera, erehuta va gibaruvu vani gadiga kasihe oti vani uguhare ei.²⁸ Hoğe gaha iau ahata make iağohare gabuhe gera, gaioka iabaramu ei bourağoha.²⁹ ‘Negu nega daure e itaharahevani ramu vadibu goiğoara, mati bata tage beta abaga goiğoara; hisiu iabara vava desurağohisa, mati hedo vava uiogevare e iabaramu vağava vağava ragira vara.’³⁰ Gerege koita iabaramu vava Koita Gamika toağe gağae goiare eraği, renu vata ada o koitava inuhati geramu sigorağohi niğoraği, iauki ‘Koita Gamika vava ori uhura uguhi oroğare’ au Dirava hedoke mati au erara vağa mağeve erara vara.³¹ Gerege auna au aneruve besugei bitivakava ruta, iauna au koitatuhe vata ada o ihinahe oti ihinahe au gene gevene gahavaia inuhati bougeisa.³² ‘Noma dibana gahisa idi oi: au adakehe kobokava hakirağohe hanaka kiege, iama dibana gahisa iaha nega vara kahikarera.³³ Guma kobuğa ei a iağa o inuhati eragevare, ama dibana goiğoara negara hugurera, gağae goisage auki.’³⁴ Riagava daki roma, iağa o inuhati negu tau oi urigahi gağae gahigevara iauna erageisa.³⁵ ‘Va mati vata ketake oiana daurağohisa, edube di garera beta dauragira vara.’³⁶ ‘Edube vaniva mati negava bera dibana veitera, renu va aneru mati Koita Gamika tage dibana veitera, edube Mamakava raki auvahu dibana.’³⁷ Koita Gamika oroğare toağava ramu erehuta, Noa negahe otavado ana gağae goine e nağatera.³⁸ Subuta vani e iau etağo so roğiro veitehe koita iaba ramu tamuta rağohi mati eia daure iogevege, heğiri rağohi ata maği headava rağohege, atete vani rone kauane Noa ramu iagatoiva guivanu,³⁹ eduge koita iau uhure iabara bao rağohira veite eige etağoa ramu hoeki gevenu, gerege Koita Gamika oroğare gumava ramu enaki goiğoara.⁴⁰ Gerege nega e kaege ata abu geğe me miege; bera iaumu mi geahu ota a bera iaumu gareha.⁴¹ Maği abu gaitage iau abu parao kiare gabuhe, bera iaumu mi geahu ota a bera iaumu gareha.⁴² Ia negu vagua guragu rağohime badivara iaka dibana veite Rohi bauge ena vani orei ororoanu.⁴³ Eduge iama uhu maemisa: iağa bia dibana goiare vaho koita vahi oroğare negava, auka beta iağia vara gerege vaho koita era beta oroği au iage hosa hosa vara.⁴⁴ Gerege ia gainage ia negu vagua rağohime, badivara Koita Gamika oroğare negava iaka beta dibana gahiğa vara.⁴⁵ ‘Besubesu koita orena ihihi te mati uhu vakate, unuhuna au mi biava maemanu, au besubesu gamituhea iau demaka damune kiogevare negahe?’⁴⁶ Kava heğiri vana besubesu koita e visa vima au biage goiraği roği behuği au me o gure kiogevare.⁴⁷ Riaga vara iakera daki ia boriti gahigeima, au biage raki mi au kohue inuhati nitabata gahi geige biava maiamisa vima.⁴⁸ Eduge au besubesu koita daure be goinebe auka auvahu rone, ‘Di biagera negu nega gamana tinabe beta goiraği ororoara,’⁴⁹ mati auki urimi au besubesu sokuhea hodigei gahigei, renu eia daure iogevare gahava ruğa gurami muraka isa mati tamuta rağisa,⁵⁰ gerege negu besubesu koita e biage ra vani bei goirağira vara auka dibana veite vaniva mati negava tage.⁵¹ Gerege au biagena dodoi tina tina gahisa renu mi tarata gaha iau vağotoni maiamisa, eige auna nivi au eği iana gi rağohisa.

Chapter 25

¹⁴ ‘Nega ei va basileia varamu onaki goiğoara. Mabi utube iana iau lamepave idigei geta maği mare atava ruta ada mimi otinu.’² Adakasiva gera uhu vaka veitea, mati adakasiva gera uhu vakatea.³ Negu uhu vaka veite e iabaraki iau lamepave idigevanu, eduge iauka oela tina beta mimi veitera;⁴ edube uhu vakate e iabara oela tinabe tage iauki idigei geta otinu.⁵ Maği mimi atava tage au ororove raki isuhanu, eige iau nie raki iağohi iauki iağohanu.⁶ Eduge vahi nemhege be raki bara ronu, ‘Maği mimi koitava ramu oroğima! Oroği auruta ada miahe.’⁷ Gerege negu maeago iabaraki urihi iau lamepave reğu gevege.⁸ Gerege uhu vaka veite e iabaraki uhu vakate e kirogevenu, ‘So noni oela tinabe kiahe, ni lamepave iabaramu godo rağoha.’⁹ Eduge uhu vakate e iabaraki boriti gahigei, ‘Veite riaga vara! noka beta ni bouge riagahe geregere ragira vara; mağe vanu oti oela haevare gahava iau haegeiahe.’¹⁰ Gerege uhuvaka veite mabiva iabaraki oela haeha otinu, iau itahege maği mimi atava raki roğonu, negu mabi uhurate adakasiva ruğa iabaraki auruta au rigi iağahe siri rağanu; renu iauki udua kouanu.¹¹ Sokova iabaraki ihie roğahime, iauki ninatata roege, ‘Ata bauge, ata bauge, udua baoviahe no siri rağoha.’¹² Eduge auki boriti gahigei roma, ‘Riaga vara daki iaki roma, daka iai dibane veitera.’¹³ Gerege Iesu raki netunetua roma, iama uhuiahuia rağisa, badivara iaka vaniva mati negava dibana veite au Moe ororove.¹⁴ Va Basileia varamu onaki kivera, ‘Erehuta atabe au ioave otisa roma, auki au besubesu gahatuhe ihirogeime auki kirogei iauka au kohue nitabata gahi geisa;¹⁵ auki moni daha adakasiva be moimanu, mati tau utube akira adakasiva damua nağate auki mi abu mohigevanu, be ni abu, be ni kobabe, iau herove gere gereve. Gerege auki bina au ioave otinu.’¹⁶ Be moni daha adakasiva moimane eraki au monive mime auki be iau me gahi, gerege auki mati daha adakasiva adahe manu.¹⁷ Guma kobuğa eige, besubesu ata daha abu mane auie tage daha abu adahe manu.¹⁸ Eduge besubesu ata daha kobabe mane eramu oti vata rohare auki au biage monive huni vanu.¹⁹ Nega tinabe gamana goine itaharahe iau biage raki goiraği auki au besu besu gahtue au kohue nitabata gahi gevene berabeva vanu.²⁰ Negu besubesu koita daha adakasiva mane eraki oroği, daha adakasiva adahe tage moroği, roege, ‘Ata Bauge, aka daha adakasiva aki da moimanu; erağa, daka daha adakasiva tage daki adahe kinu.’²¹ Au Biage raki kironu, ‘Aka me mağe vara aki kinu, mati besubesu koita mağe vara; amu guma ieririvage aki iağa avie nitabata mağe gahima, eige daka negu ami iağa bauge nitabata gahigeige biava a maema vara; oroğo dağore no heğiri rağoha.’²² Gerege besubesu koita moni daha abu moimane eraki oroği, roege, ‘Ata Bauge, aka moni daha abu ge aki da moimanu; erağa, daka daha abu tage daki adahe kinu.’²³ Au Biage raki kironu, ‘Aka me mağe vara aki kinu, mati besubesu koita mağe vara; amu guma eiririvage aki iağa avie nitabata mağe gahima, eige daka negu ami iağa bauge nitabata gahigeige biava a maema vara, oroğo dağore no heğiri rağoha.’²⁴ Gerege besubesu koita moni

daha kobabe mane tage raki oroġi, roege, ‘Ata Bauge, daka dibana aka koita bere berera, a beġi geige veite iaġanivaia amu dodo geima, mati a iaġa iaka be ieie veite e iabara amu bougeima;’²⁵ eige daki siġoime daki ai monive mi vata uhura hunivanu. Eraġa iaġaniva one, ma ora aiera.’²⁶ Au biage raki boriti ġahi ronnu, ‘Aka besubesu koita daure mati hero veite! Aka dibana ani, da beġibe veite iaġanivaia amu dodo geima, mati amu da ieigege veite iaġaniva amu bougeima?’²⁷ Menugena akamu di monive mi be iau me ġahi, gerege da ġoiragege iauka daie ada tinabe maemare mi da moimisa.²⁸ Negubutu moni e au mare, mi oti unuhuna daha utube koitava moimiahe. ²⁹Badivara iana unuhuna ia aute, iauka dadaġa mohigei gevara, renu iauka vani inuhati dadaġa mimi vara; eduge iana unuhuna iau ġasina iaġa veite, iau ġasina uiare iauka kokikoara. ³⁰A besubesu koita daure vara, iama mi itahe vadibua kiravisa, ei auma nivi au eġie ramu gi raġohisa. ³¹“Eige Koita Ġamika oroġare ra hedo mati maġe ruta auna au aneruve inuhati ruga, gerege auna au guragu gabu aenave guramisa. ³²Koita inuhati vata ada oi gera iau bouge oroġi au ġasina bouraġira vara, gerege auna koita kasagei erehuta mamoe ni tabata ġahare kiare naġate, ³³gerege auna koita ieririve idigei au vamaġahe gosigeisa. ³⁴Gerege negu rohi ena au vamaġahe e boriti ġahi geisa, ‘Oroġiahe, di Mame ramu ia maġe ġahi gevenu, auki uriġoi au vata ketake o kinei iani ro maemanu;’ ³⁵badivara da ġubu raġanei amu daie kinu, da eia hoġeviege amu eia da moimanu, daka koita ġaita eduge amu ai iagehe dami otinu, ³⁶daka bututabue amu oġonava da ġodomanu, da komata viege amu da reġuanu, da vadibu iagava amu da deiva ġahanu.’³⁷ Gerege ġuma ieririve ġahava iana rosa, ‘Rohi bauge, vaisu gena no a eraġege na ġubu raġage no a vasiġanu, se a eia hoġe viegena no eia a moimanu?’ ³⁸Se vaisu gena no a eraġege koita ġaita gena no ami iaga otinu, se bututabue gena no ogona ai kinu?’ ³⁹Renu vaisu gena no a eragene a komata vanu se vadibu iagava uiege no a deiva ġahanu?’ ⁴⁰Gerege negu rohi eraki boriti ġahigei roma, “Riaġa vara daki roma, ia be iau naġate ia di oġo nane bei kiare, eramu daigera iaki kia.”⁴¹ Gerege auna au vagadehe e boriti ġahi geisa, ‘Dai ġahe otiahe, iai ġahune rone iauka vene raġira uhura ge auki ro maemanu diaboloto mati au anerue ruġa iauni;’ ⁴²da ġubu raġege iaka da vasiva veitera, da eia hoġe viege iaka eia da moimo veitera, ⁴³daka koita ġaita eduge aka da mi ai iagehe otito veitera, daka bututabue iaka dani ogona kiki veitera, daka komata vi renu vadibu iagava uiege iaka da deiva ġahiva veitera.”⁴⁴ Gerege iauna boriti ġahi rosa, ‘Rohi bauge, vaisu gena no a eraġege aka ġubu raġanu se eia hoġevanu se koita ġaita se bututabue se komata se vadibu iagava, gerege no a iahea veite?’ ⁴⁵Gerege auna kirogeisa, ‘Riaġa vara daki roma, ia be iau naġate da besibe ġahi dami ia oġo nane kiki veite, eramu beta daigera iaki kia.’ ⁴⁶Gerege Dirava ramu besugei otitoara huhu behi behive gabuhe, eduge ġuma ieriri ġahava iabara maġuri behi behive oġohe otitoara.”

Chapter 26

¹Iesu iaġa inuhati hadiba ġahige netuare auki au ġamituhe kiro gevenu, ²“Iaka dibana vani abu uhura Edoredore rigi vara, mati Koita Ġamika vara iauka mi mohi gevege iauka satauro ġahiġa vara.”³ Gerege aena ġaha iau bauge tuhea mati oġo ata baugea iabaraki iau bouge aena ġahe iau biage iagehe bouraġohi. Au ihera Kaiafa, ⁴mati iauna orenaki norena Iesu mare iauna ġami ga vanu. ⁵Eduge iauki roege, “Noka beta rigi uhura kiki vara, koitaia negu iau vaġa ġarahime.”⁶ Iesu ra Betania oti, Simona lepera koita e iagehe gera, ⁷au tamuta viege uhura maġi be raki muraka ġutika maġete damuna ketakete, au ġasina otime auki au omotehe bohuganu. ⁸Eduge au Ġamituhea iabaraki eraġare iauki ho ġahi roege, “Esemena au virena kima? ⁹Dehoro damu ketake oramu haevi moniva mare mi koita goroo mohigeige vara.”¹⁰ Eduge Iesu ra dibana iauna otavado ana iau roia, gerege auki kirogei, “Esemena ia gure maġi oi uhu korahi raġoha? Au dai kine oramu ġuma maġe vara auki kinu. ¹¹Iaka vani inuhati goroo o iabara ia ruġa, edube iaka beta vani iau bouge daġore gera. ¹²Au onaki dehoro o mi di ahatane dahu ġane oramu di hoġe ġumava auki kima. ¹³Riaġa vara daki ia boriti ġahi geima, oreigena ia vata ada oi iau badi o ro ioa raġare, otavado maġi o au kine era beta vagua ġahiġa vara.”¹⁴ Gerege au ġamituhea utube abu iau vaġa be ihiva Iuda Isakariota raki aena ġaha iau ġasina otinu ¹⁵eige auki beragei, “Iana otavado da moimoanu da Iesu mi ia mohi gevege?” Iauki moni utu abigaġa mi au damune kinu. ¹⁶Nega ei Iuda raki orenaki auna Iesu mi mohigei gevanu. ¹⁷Vani ġaneġane iau parao Rigi kisa rome Iesu Ġamituhea iabaraki au ġasina otime iauki beraġanu, “Nona orei Edoredore demakava kiki vanu?” ¹⁸auki kirogei, “Otiahe oġo uhura gera ata be ġasina iama kirosa, ‘Hadiba koita e raki roma, ‘Di negave raki kahika ġoima; daka di ġamituhea ruġa Edoredore me vara ai iagehe nona misa’” ¹⁹Au ġamituhea iabaraki au kiro gevene e kiare, gerege iauki edoredore demakava reġui maemanu²⁰Vahiġeta mane negahe, auki au ġamituhea ruġa gurahi; ²¹gerege iau tamuta raġege uhura, Iesu raki ronnu, “Riaġa vara daki roma, ia be ramu negu di taove toretoara.” ²²Au ġamituhea iabaraki uhuhu raġime iauki gure koba koba beraġime iauki roege, “Rohi bauge, ona beta dakenu?”²³ Iesu raki ronnu, “Unuhuna daġore naġu kobabe au ade taġoima eraki di taove torevisa. ²⁴Koita Ġamika vara hoġe raġira vara buka aena rone naġate, eduge unuhuna ġuma daure o kinu Koita Ġamika taove torevanu! Au maġevera auna so beta guruare.” ²⁵Iuda taotore vane koitava raki beraġi ronnu, “Di Biage, ona beta dakenu?” Iesu raki ronnu, “Auka amu e roma.”²⁶ Iau tamuta raġegare uhura, Iesu raki parao tinabe mi, maġe ġahare auki barai au ġamituhe mohi gevare, mati ronnu, “Mare mi iahe; ora di ahata makera.”²⁷ Auki mati kebe be mi iagemi, maġe ġahare auki mohigei roma, “Iai bouge iahe; ²⁸ora di taokera, Dirava ominue kine, koita dadaġa iau dainehe auki bohu raġanu iau daureve inuhati ketogeige vara. ²⁹Iakera daki ia boriti ġahi geima, daka beta ġaitana vine eia o ivara atete da di Mame basileia isaġeve uhura dana ia ruta isa.”³⁰ Gerege iauki noġo be rorota haki raġohi otege Oliva nimu, ³¹Gerege Iesu raki boriti ġahigei roma, “Negu vahi oi iaka urihi dai ġahe otitoara; Buka aena rone naġate, Dirava ra mamoe nitabata koitava ġahi geige vara, gerege mamoe iabara sivigoro raġohi ġeahu oti geige vara. ³²Eduge da urimi ġoiragege itahare, daka uriġoi Galileia otitoara.”³³ Petero raki kironu, “Orenaki gena iau bouge ai ġeahu ota, daka beta a ġareġa vara.” ³⁴Iesu raki boriti

gahanu, “Riāga vara daki aki roma, negu vahi oi, kokorogu vara so nina veite, aka nega abigaḡa da ḡore ḡore ḡahiga vara.”³⁵ Petero raki kironu, “Daka beta enaki roroara, edume dana ma aḡore hoḡe raḡare tage, daka beta a ḡore ḡore ḡahiga vara.” Gerege au sokuhea ḡaitage eno kobuḡa e ronu.³⁶ Gerege Iesu raki iau ruḡa gabube ihiva Getesemane otinu; mati auki au ḡamituhea boriti ḡahigei, “Oi gurahiahe dakamu hoivirei oti imimi vima.”³⁷ Auki Petero mati Sebedio ḡamuhe aburuḡa nisigei, au uhure raki isuhanu mati au soruke taḡe huhu naḡanu.³⁸ Gerege auki kiro gevenu, “Di soruke huhuara raho ketakera, tutube vanebe daka hoḡe raḡanu; oi gurahiahe daḡore no niḡa niḡa raḡoha.”³⁹ Auki tinabe ḡaregei otare, aumi vata au kiravi ḡorumare imimivi roege, “Di Mame, au ḡumate ḡoinu, huhu o dai kokiva; beta di uravera edube ai uravera.”⁴⁰ Gerege auki ḡoirāḡi au ḡamituhe abigaḡa iau ḡasina otege iauki iaḡiaḡea, gerege auki Petero kironu, “Orenaki gena ia daḡore guragu ḡamana veite?”⁴¹ Ena gure niḡa niḡaḡu raḡisa mati Dirava ai imimi raḡisa ia negu daure uhura siri raḡime; ai horu vera uraima, eduge ahata makava ra hero veitera.”⁴² Auki ḡaitana nega abu ḡahigava ḡeahu oti imimi viege, “Di Mame, ḡuma bera mati veitera, eduge da iege, ai uravemu riāḡa ḡoisa.”⁴³ Auki ḡaitana ḡoirāḡi tiege iauki iaḡohiave, iau nie baogeige veite.⁴⁴ Auki ḡaitana ḡaregei oti imimi viege nega abigaḡa ḡahi gava, ga kobuḡa e ro gevege.⁴⁵ Gerege auki ḡoirāḡi au ḡamituhe iau ḡasina oroḡi renu kiro gevege, “Iana so gure ona iaḡoha? Ni ḡahiahe, nega ramu tuakera, renu Koita ḡamika au bive kine ḡahava iabara e mi koita daure mohigeisa.”⁴⁶ Urihiahe, nota. Iana eraḡa, di bive kine atava ramu oroḡanu.”⁴⁷ Iesu gure gavege uhura, Iuda, au ḡamite utu abu uhura eraki roḡonu, koita dadaḡava raki au ruta oroḡi iau vaigadea mati iau garevea ruḡa, renu aena biavaia mati oḡo ata baugevaia.⁴⁸ Au bive kine atava raki kiro gevenu, “Da ata be anoḡare era; iama misa.”⁴⁹ Iuda raki Iesu ḡasina time auki ronu, “Au maive ma, di Biage!” roare auki anoḡanu.⁵⁰ Iesu raki boriti ḡahi ronu, “Vasi, rogi a kisa roare iaḡaniva kisa.” Gerege iauki roḡahi Iesu adahe kamui berebe ḡahanu.⁵¹ Tutube viege, iau be Iesu ruta geraki au kaiade mi iau haroro koitave besubesu ḡamive ihikokova dodoi turuhanu.⁵² Iesu raki boriti ḡahi roma, “Ai kaiave mi ḡeahu maema; oḡore iana kaia idigevenu iauka kaia eige iauna hoḡe raḡohisa.”⁵³ Iana dibana veite ianu da negu di Mame ḡasina iahe iahe imimi vare, auka negu ḡarara aneru utube abu besugeige vara dani?”⁵⁴ Eduge au ena ḡoiare buka aena vana orenaki riāḡa ḡoigoanu, badivara ḡuma ora iaumu ronu auka varavisa?”⁵⁵ Gerege Iesu raki koita dadaḡa e gaḡa gevenu, “Koko ia oroḡi kaia mati vaiga ruga da misa roia erehuta daka vaho koita be naḡate. Daka vani inuhati dubu uhura gurami hadiba vima eduge ia beta da manu.”⁵⁶ Eduge iaḡa inuhati geramu vara raḡanu, gerege peroveta ḡahaia buka aena roege eramu riāḡa ḡoisa.” Eige au ḡamituhe iabaraki ḡarehi siviḡoro raḡanu.⁵⁷ Oḡoreana Iesu mane e iabaraki nisiḡami haroro bauge Kaiafas iagehe otinu, eiger aena kiare ḡahaia mati oḡo ata baugea iabaraki bou raḡohanu.⁵⁸ Eduge Petero raki au itahe tabe tabeki oḡi otege, haroro bauge e iaga ḡaika time auki maḡu uhura sirivi; gabu ni tabata ḡahava ruḡa ḡurami auna otavado ihihi vanu.⁵⁹ Haroro baugea mati kansolo inuhati geraki orenaki iauna ga tarata bei Iesu ada roege iauna au hoḡe ḡumaḡe kisa,⁶⁰ eduge iauka iaḡa be erara veitera, be ḡaitage raki roḡahi tarata ga be au ada raḡohege. Ata abu geraki netu netua roḡahi⁶¹ mati roege, “Ata oraki ronu, ‘Daka riāḡahe Dirava dubue seboḡare renu vani abigaḡa uhura dana ḡo ḡoirāḡisa.’”⁶² Haroro bauge eraki urimi rami mati roege, “Ana ga veitenu? Oiau ai gare raḡohane?”⁶³ Eduge Iesu raki kerigoi. Gerege haroro bauge eraki kironu, “Maḡuri Dirava ihehe daki a ga ḡahima, no boriti ḡahigeve ana ni Maḡuri ḡahigave nu, Dirava Moe nu?”⁶⁴ Iesu raki boriti ḡahi roma, “Auka amu e roma. Eduge iakera daki ia boriti ḡahigeima, Negu oi oti iaka Koita ḡamika eraḡegeauka hedo Dirava vamaḡa kasihege auna ḡuramisamati vava seni auna oroḡisa.”⁶⁵ Gerege haroro bauge eraki au oḡonave darivare auki ronu, “Auka Dirava daure ḡahiga ga vara auki rogevenu! Nona otavado ga be auseni ihisa? Iakamu au ga daure rone ihi gevenu.”⁶⁶ Iana otavadoana ia anava?” Iauki ronu, “Auka hoḡe raḡira vara.”⁶⁷ Gerege iauki au nie sabaki ḡahi mati hodivege; mati be iabara au tihie madavege,⁶⁸ roege, “Ana Keriso nu, no peroveta ḡahigeve, unuhuna a hodivanu?”⁶⁹ Petero ra maḡu itahe auki guramanu. Besu besu maḡive be raki au ḡasina time auki ronu, “Ataḡe Iesu Galileia koita e ḡore gera.”⁷⁰ Eduge auki iau bouge iau vaḡotoni ḡoreḡore vanu, roege, “Daka dibana veite otavado ana ia roia.”⁷¹ Auki urimi itahe otege, besu besu maḡi be raki eraḡare, mati koita rahi gevene boriti ḡahi gevege, “Ata oramu Iesu Nasareta koita e ḡore hegera.”⁷² Auki ḡaitana ḡore ḡore vi roege, “Daka ata vire dibane veitera.”⁷³ Nega tinakibe uhura koita rahi gevene iabaraki Petero ḡasina oti ronu, “Era riāḡa vara aka iau bera, badivara ai ḡare raki a ḡaḡae kima.”⁷⁴ Gerege Petero raki ḡavi roege, mati ominue vi roege, “Daka ata vire dibane veitera!” ḡamana veite kokorogu vara nivinu.⁷⁵ Gerege Petero raki anavanu otavado vanu Iesu boriti ḡahi ronu: “Kokorogu so nina veite aka nega abigaḡa da ḡore ḡore ḡahisa.” Auki itahe time auki nina raho viege.

Chapter 27

¹Va tahi vagutu, haroro bauge inuhati mati ata baugea iabaraki bouraḡohi Iesu ḡamiḡa ḡumava gava raḡohege. ²Gerege iauki adakava raroare, iauki nisiḡami Pilato gavana ata e ḡasina otinu. ³Iuda taotore vane koitava raki dibana ḡoinu Iesu ra hoḡe raḡira vara, gerege auki aukine ḡumava ananai ḡoirāḡare au muni tahaka utu abigaḡa idigei otime auki haroro baugea mati ata baugea mohigei ḡoirāḡanu. ⁴Auki kirogevenu, “Daka ḡuma daure vara daki kinu, daki daure be kiki veite koitava hoḡe ḡumaḡe kinu.” Eduge iauki kironu, “Noka e anana veitera? Era avahu ai tohidera.” ⁵Iauki negu muni tahaka e idigei dubu uhura kirage vare, auki hakivi otare auvahu au enoke raroi hoḡe raḡanu. ⁶Edube haroro baugea iabaraki negu muni tahaka e idige vare iauki ronu, “Ora taḡote muni tahaka vara, beta maḡera no mi dubu moni maemare ei maemisa.” ⁷Iauki iau bouge ga raḡohi, iauki muni tahaka emi hodu kiare koitava vateta tinabe haevi, ḡeahu ḡaha iau abate abate gabune. ⁸Enaki eige iauki mata e ihiva kinu Taḡo Mata oroḡi negu. ⁹Gerege peroveta koita Ieremia gare raki riāḡa ḡoinu, roege, “Iauki siliva muni tahaka utu abigaḡa, au damune Isarela ḡahaia au ibine rone era,”¹⁰ renu iauki moni e

mi hodu kiare koitava matame haevi, era Rohi bauge da ganito gahane dodihe.”¹¹Iesu raki Roma gavanava vaḡotoni rami; gerege gavana raki beragi, “Ana Iuda ḡaha iau Rohi venu?” Iesu raki ronu, “Auka amu e roma.”¹²Eduge auka ga be roro veitera, haroro baugea mati oḡo ata rahoia iabaraki auka daure kinu.¹³Gerege Pilato raki boriti ḡahi roma, “Ana iau ai ḡuma daure kiege gava raḡohare ihi geima se?”¹⁴Eduge auka iau gare be dodo veitera; eige gavana raki dauraḡi badiva Iesu ra ga kobabe tage roro veitera.¹⁵Edoredore heḡiri nega inuhati gera gavana ra vadibu iagava uiare bera koita iabana roege iauna mi hakivisa.¹⁶Nega ei vadibu uiege bera koita inuhati gera au dibane, au ihera Barabasi.¹⁷Gerege koita bou raḡane eige Pilato raki bera gevenu, “Orena ia gahara raḡohi dana iani vaheḡisa, Barabas se Iesu ihiva rone Keriso?”¹⁸Auka dibana riaga vara Iuda ḡaha iau aenave ge iauka Iesu mi moimo vara.¹⁹Au kota kiare gabuhe guramege uhura au mabare raki au enoḡe besuḡanu, “A negu ḡuma ieriri koita ei iaḡabe kime, dakamu vani uhuḡae daki huhu naḡanu da iaḡo be au vane.”²⁰Haroro baugea mati oḡo ata rahoia iabaraki ḡaru ḡaha kiro gevenu iauka Pilato kiroege aukai Barabasi vaheḡisa a Iesu ra iauma ḡami hoekisa.²¹Eduge Pilato ḡaitana bera gevenu, “Unuhuna ia iau abu iau uhura gahara raḡohi dakai vaheḡisa iani?” Iauki roege, “Barabasi.”²²Pilato raki kirogei, “Gerege dana orenaki Iesu iau au ihe rone Keriso kiki vanu?” Iauki iau bouge ronu, “Mi satauro ḡaha.”²³Edube auki berabe vanu, “Otavado dainehe, auna otavado ḡuma daure bena au kinu?” Eduge iauki bara raḡohi roege, “Mi satauro ḡaha.”²⁴Pilato raki eraḡege maḡe bera veitera, eduge ḡoḡai dudu vara hakivege, gerage auki koita iau vaḡotoni eia mime auki au ade ketoare, roma, “Daka ata o hoḡeve beta di kiki vera; edube era ia iavahu iai gera.”²⁵Koita iabaraki iau bouge roege, “Hoḡe ora isukava inuhati ni ada mati ni ḡamuhea iau ada gera!”²⁶Gerege Pilato raki Barabasi vaheḡare, renu iauki Iesu hodivare, auki mi mohigevunu iauka satauro ḡahisa.²⁷Gerege gavana ḡarara ḡahatuhe iabaraki Iesu mare iauki mi au gabunehe otinu, eige au ḡarara ḡahatuhe inuhati raki bouraḡohi.²⁸Iauki au ogonade kokivare iauki ogona kerekare be mi au kinu,²⁹gerege iauki ḡati garanate mi au omotehe maemanu, mati idi be mi au ada vamaḡahe maemanu. Iauki ehaiahia ḡahi ḡoru raḡi renu komuko dairagaḡe, kiroege, “Maḡuri, Iuda iau Rohive!”³⁰Iauki sabaki ḡahare, mati idi mi omotova hodivanu.³¹Iau ehaiahia ḡahi itaharahe ge, iauki au ogonave darivi kokivare iauki au ogona riagaḡa mi au kinu, gerege iauki nisigami satauro ḡahisa ro mi otinu.³²Iau hakiraḡi otine, eige iauki Kurene atabe eraḡanu, ihivara Simona; gerege ḡarara ḡami iabaraki kiroege auki Iesu satauro ve agohanu.³³Iauki oti gabu be ihiva Golgota (makava ramu Omo kouka mata vara),³⁴iauki vine muraka mi eia ruta kobua ḡahi; mi moimi auki tohoḡare besibe ḡahanu.³⁵Iauki mi satauro koko ḡahare, au ogonade idigei iau vaḡahe harivege;³⁶gerege iauki ei gurahare gure ḡaru ḡahege.³⁷Au omote variada ge iauki torei onaki ronu, “Ora Iesu ra, Iuda ḡaha iau Rohivera.”³⁸Gerege vaho koita abu ḡainage Iesu ruta iauki satauro ḡahi gevenu, bera au vamaḡa kasihe mati bera au vaḡa kasihe.³⁹Koita oti oroḡege e iabaraki iau omote davegei⁴⁰mati roege, “Aka vani abigaḡa uhura dubu seboḡare mati kiege goiraḡira vara, avahu a maḡuri ḡaha! A Dirava Moe ḡoḡe, menugena satauro ei ḡoroma.”⁴¹ḡuma kobuḡa ei haroro baugea, renu aena kiki ḡahaia mati ata baugea, iabaraki ehaiahia ḡahege, roege,⁴²Auka be iabara auki maḡuri ḡahi gevege; menugena au beta auvahu au maḡuri ḡahima? Auna Isaraela Rohivanu; eramu au satauro ada ḡoromege nona au riaga ḡahisa.⁴³Aukamu Dirava riaga ḡahima; edumena Dirava urai negubutu maḡuri ḡahare, mati roma, ‘daka Dirava Moe ra.’ ”⁴⁴Vaho ḡahaia au ruta satauro ḡahi gevene e ḡaitage ramu enakime iauki ḡuma kobuḡa ei ga ḡahege.⁴⁵Vani omo ada roḡone uhura ge vadibua raki vata ketake inuhati bakuanu atete vahiḡeta vani iaḡa abigaḡa.⁴⁶Vani iaḡa abigaḡa uhura Iesu raki nivi baravanu, “Eloi, Eloi, lama sabatani?” makava ramu, “Di Diravate, di Diravate, esemena a da ḡare man?”⁴⁷Koita be ei rahi gevene iabaraki iahare, iauki ronu, “Ata ora Elia auki ihiromima.”⁴⁸Iau be raki rurui otime auki dabua tinabe mare, vine uhura taḡoare, auki mi idiva raroanu, gerege auki mi au susutemenu auka isa.⁴⁹Eduge be iabaraki onaki ronu, “Soso, noso eraḡa edumena Elia roḡi maḡuri ḡahare.”⁵⁰Gerege Iesu raki ḡaitana nivi bara vare auki hoḡe raḡanu.⁵¹Gerege iau dubu uhura dabuava raki dariḡohi abu ḡoinu, auhe uguhi derihe tinu. Vata vaḡava vi, mati munio ḡaitage reha raḡohi gevenu.⁵²Hoḡe aba bao raḡohi, mati Dirava koita tuhea hoḡe ragohane e iabaraki urihi maḡuri raḡohi ḡoiraḡohanu hanu.⁵³Iesu hoḡe uhura urimi ḡoiraḡane itaharahe iauki midava ḡarehi oḡo aena ei otege koita dadaḡa iau ḡaḡae ḡoige.⁵⁴ḡarara ḡaha bea iau biage ruta gera, iauki Iesu eraḡege iabaraki vata vaḡava viege eraḡi mati iaḡa inuhati vara raḡane erageime, iauki siḡo raḡohi mati onaki ronu, “Riaga vara ata oramu Dirava Moera!”⁵⁵ḡaru maḡi dadaḡava raki ḡamanahu rahi niḡahege; iauka Galileia ge iauki Iesu itahe oroḡege mati iaheḡege maḡiva iabara.⁵⁶Iau uhura gera Maria Magadala, renu Maria, Iakobo mati Iosepa iau neine, renu Sebedeo mabare⁵⁷Vahigeta ḡoine eige, ada bubu ata be raki Arimatea seni oroḡonu, au iheramu Iosepa, au tage Iesu gamite bera.⁵⁸Auki urimi oti Pilato ḡasina Iesu ahata make imimiva vanu; gerege Pilato raki hedo mohi gevege iauki mi moimanu.⁵⁹Gerege Iosepa raki mare ogona isaḡe maḡe bei ḡodomanu⁶⁰mati auki au avahu muni uhura aba rohona ei maemanu. Gerege auki muni abata be kureime auki aba udua kouare bina otinu.⁶¹Maria Magadala mati Maria be iau ḡainage ei, aba hakirahe gurahege.⁶²Va tahi ḡoiraḡane ei, Sabadi vani vara, haroro baugea mati Farasea ḡaha iabaraki Pilato ḡasina bouraḡanu⁶³mati ronu, “Rohi bauge, noka tarata koita e au maḡuri vehe au gare rone, ‘Daka vani abigaḡa itaharahe maḡuri vi ḡoiraḡira vara.’ ”⁶⁴Eige ama roege au abave iauma nitabata ḡahi atete vani abigaḡa rone ei; veite ḡoiege au gamituhea negu oti au ahata make vahoro mime, mati koita boriti ḡahi rosa, ‘Aukamu maḡuri vi ḡoiraḡanu,’ mati nega ihie tarata ḡuma oramu urigoḡi tarata iaḡaniva soiso vara.”⁶⁵Pilato raki boriti ḡahigei roma, “Iaka nitabata ḡahate iabaraki; otiahe, midava vire iai herohe iama nitabata ḡahisa.”⁶⁶Gerege iauki oti midava kouko muniva reḡunaki maemi berebe ḡahanu.

¹Sabadi itaharahe, pura vani uridane va tahege, Maria Magadala mati Maria be ḡore midava eraḡisa rome iauki otinu.

²Tutube viege vata raki vaḡava ketake vanu; badiḡa Rohi bauge aneruḡe raki vava seni uguhi oroḡi muni kureḡi ḡeahu maemare auki adahe guramanu.³ Au eravaḡe ramu erehuta va gībaru vare abagatera, mati au ogonave tage kae abaga vera.⁴ Nitabata ḡaha ḡainage siḡo raḡohi ḡabubu raḡi iauki erehuta hoḡe ḡaha iau naḡate ḡahanu.⁵ Eduge aneru eraki maḡi e kiro gevenu, “Ia negu siḡo raḡohime; daka dibana iaka Iesu iau satauro ḡahane era iaki iaḡoa.”⁶ Auka oigera veitera, aukamu urimanu au rone naḡate. Oi oroḡi iau maemane gabuva eraḡiahe.⁷ Gerege vaina ḡoirāḡohi oti au gamituhea boriti ḡahi geisa, ‘Aukamu hoḡe uhura urimanu, renu aukame uriḡoi Galileia otima; eige iana eraḡisa.’ Ora di gare daki ia kiro gevenu.”⁸ Gerege iauki vaina midava ḡarehi siḡo mati heḡiri ruta ruru raḡi oti au gamituhe boriti ḡahigeisa.⁹ Tutube veite Iesu raki iau ḡaḡae ḡoiare auki kirogei, “Mai miahe!” Iauki oroḡi au ḡasina, au vase hodohare, iauki ḡoru raḡohi maḡe ḡahanu.¹⁰ Gerege Iesu raki boriti ḡahigei roma, “Ia negu siḡo raḡime; oti di nanuhe kiro geisa iauma Galileia otisa; eige iauna da eraḡisa.”¹¹ Maḡi iau ḡumaḡa otege, nitabata ḡaha be iaberaki ḡoirāḡohi oḡo otime iauki dubu baugea boriti ḡahi gevenu iau era gevene iaḡaniva inuhati.¹² Dubu baugea iabaraki oḡo ata baugea ruḡa bouraḡohi, iauki ga raḡohi iauka moni raho tinabe mi nitabata ḡaha mohigeisa,¹³ iauki boriti ḡahi gevege, “Iama kiro geisa, ‘Au gamituhe iabaraki vahi oroḡime iauki au ahata make vahoro manu noka iaḡohege uhura.’”¹⁴ Edumena gavana ihare ḡoiege, nokena au uhure maḡe ḡahi mati auka beta iaḡa be iai kisa.”¹⁵ Gerege iauki moniva miare iauki iau boriti ḡahi gevene ḡumahe kinu. Gerege badi ora Iudea ḡaha iaberamu ro ioa raḡa oroḡi negubutu.¹⁶ Au gamituhe utube hakira kobabe iaberaki Galileia otinu, iauki nimu be Iesu boriti ḡahi gevene iauka otisa.¹⁷ Iau Iesu eraḡane negahe, iauki maḡe ḡahi, eduge be iabera uhu abu.¹⁸ Iesu raki iau ḡasina oroḡare auki kiro gevenu, “Di Mame ramu hedo inuhati vava mati vata ada aukamu da moimanu.¹⁹ Eige otiahe mata o koitava inuhati hedoka ḡahigei, mati babatiso ḡahigeisa Dirava ni Mame mati au Moe Iesu mati Horu Aena iau ihehe,²⁰ mati hugure ḡahigeisa iauma iaḡa inuhati da ḡanito ḡahi gevene iauma riaḡa ḡahisa. Mati ia negu vagua raḡohime, daka nega inuhati ia ruta, negu oti netu netua.”